

古汜城志
序

古汜城志卷四

華嶽山人兄 青蓮裁定

江村山人 劉青芝撰次

官師志

自周迄元凡宦斯土者考之史傳古碑及故志所載得若干人不能別官位也聊卽世代次第之

周孔將鉏石申父侯宣多鄭三大夫周襄王出奔鄭處於汜三大夫佐鄭伯省視官具於汜而後聽其私政君子謂得先君後已之禮焉



漢衛颯字子產河內修武人建武二年辟大司徒
鄧禹府除侍御史襄城令政有名迹

楊震字伯起弘農華陰人大將軍辟舉茂材除襄
城令震神道碑云然漢書遺之

劉方字伯况平原人元和時爲襄城令章帝詔曰
俗吏矯飾外貌似是而非揆之人事則悅耳論之
陰陽則傷化朕甚厭之安靜之吏惘惘無華日計
不足月計有餘如襄城令劉方吏民同聲謂之不
煩雖未有他異斯亦殆近矣夫以苛爲察以刻爲

明以輕爲德以重爲威四者或興則下有怨心勉
思舊令稱朕意焉

魏黃朗字文達沛郡人黃初中遷襄城典農中郎
將

鄧艾字士載棘陽人隨母至潁川少爲襄城典農
部民年方十二三會謁者陽翟郭玄信奉使求人
爲御司馬以艾給與語悅之曰子後當遠到艾後
爲典農功曹因使詣宣王由是見知遂被拔擢

晉曹攄字顏遠譙人惠帝末爲襄城太守時襄城

古江城志卷四
一
屢經寇難。攄綏懷振理。旬月克復。後爲征南司馬。石覽。襄城太守。時都督荊州荀崧屯宛。爲吏杜會所圍。覽崧故吏也。欲求援於覽。計無從出。崧少女灌。年十二。帥勇敢士數十人。踰城突圍夜出。且戰且前。遂達覽所。覽會周撫兵共救崧。會乃遁去。崔曠。晉永嘉四年十月。石勒陷襄城。太守崔曠遇害。

王沾。襄城太守。

棗腆。字玄房。潁長社人。以文章顯。永嘉中。爲襄城

太守。

司馬休之。晉安帝時人。會稽王道子。以爲襄城太守。

後周上官回。陝郡人。襄城太守。

隋薛孺。汾陰人。開皇中。爲襄城太守。卒官。有惠政。

唐趙矜。天水人。由明經。爲舞陽主簿。蔡帥反。犯難來歸。擢授襄城主簿。

李迅。襄城丞。李芻。襄城尉。李期。襄城令。以上

三公。皆元禮之裔。自元禮子瑾。由襄復歸。趙後。其

五世孫。獻為東祖。三公。獻之後。

宋范純仁。字堯夫。吳縣人。皇祐元年進士。以著作

佐郎知襄城縣。縣民不識蠶織。純仁勸使植桑。有

罪而情輕者。視所植多寡除其罰。民益賴慕。後呼

為著作林。卒。官尚書。諡忠宣。

吳育。字春卿。達安人。以進士甲科知襄城縣。自秦

悼王葬汝州。其後子孫當從葬。與歲時上塚者不

絕。故宗室宦官常往來為州縣患。育請凡官所須

具。成數毋容使者妄索。羊豕悉出大官。由是民省

供費。而宗室宦官深啣之。或夜半叩縣門索牛。駕

車。育拒不應。異時過其縣者。輒相戒勿得以鷹犬

犯民田。至他境矣。然後敢縱獵。歐陽修誌其墓。謂

公為政簡嚴。所至民樂其不擾也。卒。官尚書左丞。

諡正肅。

梅堯臣。字聖俞。宣城人。康定元年庚辰。知襄城縣。

時年三十八。公治襄無留跡。然殷然恤民之意。見

於令。襄時所作詩篇。因備錄焉。

田家語原序庚辰詔書凡民三丁籍

一。立校與長。號弓箭手。用備不虞。主司欲以多媚上。急責郡吏。郡吏畏不敢辨。遂以屬縣令。互搜民

口。雖老幼不得免。上下愁怨。天雨淫淫。豈助聖上
 撫育之意耶。因錄田家之言。次為文。以俟採詩者
 云。誰道田家樂。春稅秋未足。里胥扣我門。日夕苦
 煎促。盛夏流潦多。白水高於屋。水既害我菽。蝗又
 食我粟。前日詔書來。生齒復板錄。三丁籍一壯。惡
 使操弓鞬。州符今又嚴。老吏持鞭撲。搜索稚與艾。
 唯存跛無目。田閭敢怨嗟。父子各悲哭。南畝焉可
 事。買箭賣牛犢。愁氣變久雨。鑷缶空無粥。盲跛不
 能耕。死亡在遲速。我聞誠所慙。徒爾叨君祿。却咏
 歸去來。刈薪向深谷。汝墳貧女原注。時再點弓手。
 老幼俱集。大雨甚寒。道死者百餘。自壤河至昆陽
 老牛陂。僵尸相繼。汝墳貧家女。行哭音悽愴。自言
 有老父。孤獨無丁壯。郡吏來何暴。縣官不敢抗。督
 遣勿稽留。龍鍾去携杖。勤勤屬四隣。幸願相依傍。
 適聞閭里歸。問訊疑猶強。果然寒雨中。僵死壤河
 上。弱質無以托。橫尸無以葬。生女不如男。雖存何
 所當。拊膺呼蒼天。生將奈向汝水泛。漲觀水有感
 作詩並序。庚辰秋七月。汝水暴至。溢岸。親率縣

徒以土塞郭門。居者知其勢危。皆結菴於木末。徬
 徨愁嘆。故作是詩。秋水漫長堤。郊原上下迷。孤城
 閉板築。高樹見巢棲。耳厭蛙聲急。漚生雨點齊。渚
 間牛不辨。誰為掃陰霓。大水後城中。壞廬舍千餘
 作詩。自咎不如無道國。而水冒城郭。豈敢問天災。
 但慙為政惡。湍回萬瓦裂。槎向干林閣。獨此懷百
 憂。思歸
 卧雲壑。

侯陟。長山人。以姚恕薦。為襄城令。仕至諫議大夫。
 鄭於陵。江南人。初為鄆州推官。以其父文寶表求
 養疾。遂除為大理司丞。知襄城縣。以便其養。文寶
 晚歲病廢。從子為邑。縣政多為所撓云。

劉越。字子長。大名人。以進士知襄城縣。有能聲。范

仲淹同年進士。

宋濤。長安人。端拱二年進士。知襄城。以政績聞。賜緋魚。仕至御史。

程琬。字季聰。河南人。知襄城縣。當官竭力。不擇難易。盡心於愛人。嘗捕蝗。徒步執箠為衆人先。凡民有利病。力可行者行之。不能者言之。上雖沮却不恨。以故民甚愛之。琬伊川先生季父。伊川誌其墓。張叔夜。字稽仲。知襄城縣。累官簽書樞密院。靖康中殉節。諡忠文。

孫永。字曼叔。長社人。由進士。調襄城尉。累官吏部

尚書。諡康簡。宋宣城梅堯臣有送曼叔襄城尉詩。

昔君乘紫騮。來獵荒城下。復乘紫騮去。不逢亭長罵。溪風欲涉時。山雪獨歸夜。此趣信所詣。羈官莫悲此。

金元純。承安戊午為縣主簿。與評事李珍。邑士郭雨。創儒學講堂。

劉仲評。大安三年。知縣事。建聖殿齋房。

溫迪罕彥德。正大間。以保舉來宰是邑。勤於治理。賦均役平。民安之。職滿。以百姓留復任。創儒學兩

廡

葛魯官襄城令。

趙灑襄城令。金世宗七年任。陞應奉翰林文字。

夾谷慶之。襄城令。以廉能名。

夾谷長善。正大間。行許州襄城縣令。

紇石烈萬奴。正大間。以剽騎上將軍。行許州襄城

縣丞。

載東。以中順大夫。行許州襄城縣簿。

胡天錫。以懷遠將軍。行許州襄城縣尉。

元孛朮魯翀。字子翬。鄧之順陽人。考故志。官師無公名。而公襄城縣學記。有翀邑學舊從事語。公固掌教於襄者。元史本傳云。用薦者。授襄陽儒學教諭。蓋襄城字。誤爲襄陽耳。

盧任。臨潁人。博覽經史。挺然有守。用薦爲襄城主簿。以文學飾吏事。當道推之。擢鄭州課官。

張鵬南。邑人。仕爲縣教諭。後改商水。教人有方。修理廟學。

姬文興。襄城尉。立儒學講堂。

張納為縣令。李知彰為縣簿。趙世元為尉。同創儒學大成殿。櫺星門。大德四年。陳天祥有記。

趙汝翼。曹南人。由太常大樂署令。出尹襄城。重建考叔祠。

馬里思古。監縣。政肅民畏。管友諒為令。靳友諒為簿。梁義為尉。同建學廟兩廡。

哈刺章。監縣。武端為令。王元弼為簿。周壽祖為學諭。同建儒學講堂。

李羅不花。達魯花赤師顯祖為簿。吳文炳為尉。李志道為學教諭。同哈刺章立修學碑。

林復字仲禮。知襄城。割俸修學。邑鄉貢進士劉伯貞撰碑詞。稱其為治簡而不苛。清而不撓云。

幹耳朶。監縣。王思恩為簿。同林復修學。李子實。知襄城。有惠政。

大禮。普化。監縣。有古循吏風。

明設知縣一員。縣丞一員。主簿一員。典史一員。教諭一員。訓導二員。大使一員。驛丞一員。

知縣。洪武時。楊璟。丹徒人。吳用剛。南昌人。劉

思誠山西人。和鸞山西人。李楫安慶人。侯

寶安慶人。累官河南參政。賀達安慶人。人材。

梁誠稷山人。進士。永樂時張誠武進人。劉昇興

平人。勤廉止盜。陞禮部主事。宣德時李茂通州人。

魏忱濟寧人。舉人。政寬平。陞御史。正統時羅復

南昌人。舉人。史誠金鄉人。劉靖涿州人。景泰

時商傑濟陽人。劉震新昌人。天順時葉芳江西

人。成化時趙璘東光人。胡中江夏人。舉人。朱

瓚肅寧人。進士。明敏幹濟。陞御史。郭文泰州人

進士。愛民祛惡。陞知州。李宏開州人。舉人。弘治

時王玪海豐人。進士。陞主事。薛珍河津人。舉人。

郭良弼武邑人。正德時紀存義恩縣人。舉人。

黎民獻華容人。舉人。禦寇有功。陞知州。李孟旭

大同人。進士。陞御史。劉本淳上黨人。舉人。剛正

有為。陞同知。王本敬松茲人。舉人。嘉靖時石國

柱龍驤衛人。進士。袁吉桂林人。舉人。清介善儲

積。去後民思。王越新河人。王德純羅田人。舉

人。開東西新街。令民環居以衛學宮。陞御史。田

子進士有惠政。蘇宗璽泉州人舉人。和鳳曲

周人舉人。徐有仁東平人舉人。汪化廣信人

舉人。田助潛江人舉人。力制豪右。有鐵漢之謠。

曾朝南漳人。劉炎麻城人舉人。孟陽西安

人。陳珊銅仁人進士。有幹材。顧奎通州人進

士。繩吏愛民。嘗曰。為治之道。興利不若除害。故一

時弊。孔爬刷殆盡。以民數爭田。請上憲立石丈衙

前。至今賴之。盧向陽濬縣人舉人。隆慶時殷登

瀛宣城人進士。張孔時大名舉人。黃茂武

昌人進士。萬歷時陳秉忠元城人。李大晉清平

衛人。以治績聞。周光廷蘇州人舉人。王承統

蒲州人舉人。鑿泮池。池南造奎壁。壁南開地為杏

壇。城西南隅。數為汝水嚙。伐石砌之。萬歷十年。奉

部檄丈田。親歷阡陌。分平山下三則。民服其公。

陳震太原人進士。沈靜建尊經閣。陞驛道。因子

夏絳州人舉人。姚更生揚州人舉人。范維賢

昆明人舉人。李光先延安人舉人。縣城故土築

採石陶磚。甃砌完固。三載成之。余曾祖散官公。諱

軻董其役。見劉喬峯成城記。民建祠祀李公。縣尙書姚繼可有記。諸允修仁和人。進士。前令光先築城。以石易土。甕城未竟。被擢去。允修繼成之。復作石堤障甕城。人呼爲諸公堤。縣尙書姚繼可有記。蘇述濮州人。進士。頗愛民。念鹽引爲民累。欲上請會以憂去。趙浩長垣人。舉人。有吏才。誠於愛民。禦水賑災功尤著。鄧守清東昌衛人。修補城垣有功。談性教萊蕪人。進士。儒吏也。建汝南書院以居學者。修邑志八卷。委筆邑張憲副寧而

授梓焉。濬柳溝馬濫二渠。卽志中所謂談公南渠。談公北渠者。民便之。曹巡道檄行備荒。性教疏荒。政八議以上。議切近事情。曹報可。天啟時李若梓。南充人。進士。政簡無苛。吳起龍江南人。進士。張聚垣內江人。崇禎時胡從正浙江人。舉人。有幹才。值寇亂。造戰車數十乘。令壯士習之。公戎服跨馬。指畫進止。繞城鑿石爲炮。置藥腹中。名曰石老虎。火燃藥發。若霹靂然。謠曰。城邊石老虎。誰人敢相侮。迄任無寇患。王夢龍常熟人。進士。謝三

元永寧人舉人。劉氏諱漢臣余祖也。河南通志云。崇禎十六年。以兩臺薦任。漢臣邑諸生。佐督師汪喬年城守。署贊畫官。城陷。賊磔喬年。屠城去。襄人謀置長。咸擗贊畫公。上請臺使。臺使聞於朝。遂署邑宰。多方撫殘黎。人賴小康。德之。建古惠祠。以祀。驛鹽道任竣有記。

縣丞。洪武時張敬。創始學校有功。郭仕道。永樂

時李謙。新城人。米實宛。平人。天順時柴貴。四川

人。徐容。容一作冕。孝感人。剛正有為。劉賢。真定人。

成化時趙琦。景州人。張敏。郟縣人。張清。陝西

人。劉信。同州人。李玉。盧龍人。平易近民。弘治

時曾燦。進賢人。李通。昌平人。剛果。熊瑞。漢陽

人。王壽山。壽山一作東。黃陂人。正德時王鏜。監生長

垣人。明正德六年。流賊劉六。劉七。寇襄城。是時鏜與知縣事黎民。獻協力城守。其計畫多出於鏜。又以炮擊殺賊中白大王。以故賊恨鏜刺骨。乃向城大言曰。急為我搏鏜出。否。克城殺汝輩。無遺種。鏜召眾諭之曰。吾寧惜一軀。害汝數萬生靈哉。即欲

躍城。衆環泣勸止之。越二日。賊忽棄城去。而於城西敗井中得鏜屍。襄人哀之。畫像三賢祠。春秋祀焉。論曰。公城守功最著。獨其死事。人竊疑之。然以賊去城。可以知賊之得公。以公躍城。可以知公之故爲賊。得以公故爲賊。得而死。可以知公之節之烈。夫何疑哉。邑學博林鸞撰邑志。距公卒僅四十餘年。云鏜有死城之功。民祠祀不絕。其言固足徵也。羅禮。鄆州人。朱表。麻城人。嘉靖時孫厚清。城人。馬浩。中衛人。蕭東棠。邑人。胡安。山西

人。王用。山東人。鄒愛仁。孟淳。南直隸人。

任相。代州人。張琰。吉州人。去後民思祀三賢祠。

王之道。高唐州人。姜登。忻州人。隆慶時白廷

錄。曲陽人。選貢。守法愛民。萬歷時趙應登。靈石人。

張剛。崞縣人。張邦孚。長垣人。劉澤。興安州

人。陳如圭。嘉定人。楊惟喬。忻州人。徐時泰。

上元人。朱士文。會稽人。李枕。芮城人。正已愛

人。徐榮貴。龍游人。楊仲魯。西安人。

王簿。洪武時王良弼。北平人。趙恕。濟南人。王

定臨川人。崔燮潞州人。杜雲升保府人。趙

英濟寧人。潘滌寧陽人。永樂時羅伯厚新喻人。

宣德時荆璞陝西人。正統時楊忠鄒縣人。曹亨

來安人。天順時陳賢臨武人。宋環恩縣人。成化

時徐雄武義人。李鉉濟陽人。王通安塞人。

張孜朝邑人。段興利津人。李英狄道人。弘治

時田秀濮州人。王魯潞城人。劉錡餘茨人。正

德時侯甸麟遊人。李蘭岐山人。吉盛寧州人。

李倫叙盧龍人。王才瑤定襄人。何節潼關

人。嘉靖時陳勅。索延齡德州人。李政南鄭人。

楊廷臣岐山人。樊叙夏縣人。選貢撰首山文

筆峯記。馬一變山東人。趙評文安人。隆慶時

張盈長清人。萬歷時李良士婺源人。耿思恩魏

縣人。孟希敏夏津人。孟垣陽穀人。管胤臨

邑人。邢三省東明人。孫第安化人。徐侃如

濱州人。陳昌分水人。韓孔樂泌水人。葛銳

廣德州人。周卿長泰人。閻尙禮芮城人。

典史洪武時賀守真。宣德時李琰高密人。有幹濟

材九年考滿以百姓留復任九年。正統時于叢萊陽人吏員清勤重建大成殿兩廡神庫饌堂功甚巨。縣夏官卿田臻戶侯張禮以其跡不可沒徵文於安成吳祭酒節節稱其明於政體既為之記而縣令陽信商傑復請於縣辛副使訪以訪出自是庠日覩厥事宜詳書以悉吳公未竟訪記謂商暨丞孫盛簿陳賢接跡贊之復舊廡為間十造新廡為間四十以及門堂禮器墻垣煥然改舊觀焉二記並載許志。天順時周孟常四川人。李旺湖廣

人。成化時高志安唐山人有政事才。杜銘深州人。王善山州人。張慶章邱人。弘治時陳亨桐城人。李秀寧津人。嚴詢宿遷人。許文芳道州人。正德時張鎧盱眙人。孫思讓濟南人。權文興穀城人。嘉靖時徐尙賢湖廣人。馬廷輔山西人。劉仕儒四川人。閻朝東藍田人。侯天載南昌人。隆慶時陳雲太平人。萬歷時俞汝梯嶧縣人。劉貢材海縣人。沈有慶仁和人。施瀛州都昌人。杜喬功閔縣人。樊學詩沁水人。

楊善漢中衛人。俞天胤義烏人。章篆廬江人。

葉應雷寧縣人。程敏中霍山人。毛尙質廣

西人。潔廉。馮大邦浦江人。金棟仁和人。

教諭。洪武時徐士方衢州人進士。何順中郴州

人舉人。孔思敬西安人。宣聖之裔舉人。王文

圭雲夢人舉人。永樂時雷震新寧人舉人。博學造

士。嘗上章諫北伐。陞禮部主事。薛昂渭南人舉

人。宣德時舒宗臣黟縣人舉人。正統時謝憲歙縣

人。顧昌字德輝長洲人舉人。博學造士有方。邑

李尙書敏辛憲副訪皆及門受業者。敏感其師教

嘗上疏欲分俸以養。雖未獲允。然士大夫多之。陞

淮府左長史。史鑑清豐人舉人。天順時顏春廬

陵人舉人。有師範。邱嘉惠永豐人舉人。能詩。

朱昊星子人舉人。呂誠遂寧人舉人。成化時王

昉會稽人舉人。積學善詩。屢典文衡。王璉涪州

人。勝緒臨邑人。醇謹。弘治時吳璨桐城人舉人。

楊循鄆縣人。正德時操永魁蘄州人舉人。陞國

子助教。唐堯臣長安人舉人。張政鄞縣人。

何愚莆田人。王永壽漢中府人。舉人。立教有法。

魏廷蒲州人。舉人。嘉靖時李元春桂林府人。舉

人。陞知縣。林鸞當塗人。貢士。嘉靖戊申任。於學

舍西築聚樂軒以造士。創修襄城縣志。其自序云。

訪之諸生。邑許尚書廓李尚書敏辛副使訪王學

使錦。故有草槁。今亡之矣。乃手自纂緝。為卷八。是

書雖踈畧舛錯。所不能免。然搜羅編次。創始之功。

不可沒也。其為部四。地理。人物。詞翰。雜錄。部首亦

無尋常長語。體例猶為簡質。方寶山東人。馬

尚德桂林人。舉人。彭遵教湖廣人。貢士。隆慶時

李恪真定府人。袁汝楫武定州人。貢士。丰儀修

整博學善誘。陞岳陽縣知縣。致政歸。遂家於襄。今

袁家溝其別墅也。故廬在溝左里許。萬歷時蕭輔

堯湖廣人。張應秋登封人。盧統宗東莞人。舉

人。立品精衡鑑。有經世志。韓文祥山東人。陳

洛書山東人。黃宗聖黃岡人。舉人。劉喬峯夏

津人。貢士。撰李公成城記。高一迪醴泉人。舉人

王親臣陵川人。孫自強咸寧人。劉論陝州

人貢士。撰談公南渠記。尙謙安陽人。舉人。撰尊經閣記。

訓導洪武時。度政邑人。儒士。賈悅道邑人。儒士。魯迪邑人。儒士。有明授教諭者。有進士。舉人。貢士。監生四格。授訓導者。無進士。以本邑儒士爲訓導者。僅見於洪武間。後無有也。楊謹祥符人。

趙暹曲阜人。永樂時李泰。潁州人。舉人。魏昇宣

德時張鉉。鄆縣人。舉人。劉致中。新城人。舉人。正

統時王璽。蒲州人。舉人。張子霑。靈璧人。梁紹

高平人。景泰時張敷。安鄉人。舉人。成化時王冕。姚

州人。滕緒。臨邑人。舉人。陞本學教諭。許粟。無

錫人。善詩。弘治時聶翔。沂州人。性曠夷。能詩。劉

善。晉州人。劉芳久。新野人。偉度弘才。善造士。

陳天祐。通城人。舉人。恬退。年少以養親去。正德時

張濟。安定人。舉人。張宸。成都人。文士才。醴陵

人。徐伯本。平江人。吉奎東。長安人。洪戩。成

都人。鐔諄。臨清人。嘉靖時姚漢。嘉興人。吳綸。

漢陽人。杜升。四川人。張可大。鳳陽人。選貢。喜

吟詩。善書。陞王府教授。段孟昌。山西人。陞王府

教授。王弼。應城人。張文禎。鄖陽人。李蘭。武

平人。典文衡。李時。衡陽人。鄭源。南海人。張

鑰。趙廷麒。竇希燕。南沂。畢鉞。許金。隆

慶時。張崇道。西安人。曹卿。臨清人。王珩。醴泉

人。蔡綦。登州人。萬歷時。王元吉。山東人。丁鵬。

山西人。侯佐。西安人。劉世功。平涼人。段現。

武崗人。段鎬。上津人。王養心。閩鄉人。賈一

貫。丁鏜。鄧州人。楊用賓。睢州人。孫思揚。陝

西人。吳士亨。泌陽人。皇甫慎初。彰德人。侯

東舟。帥師吉。山西人。董惟遜。南召人。金國

棟。柘城人。任炳。真定人。馬君策。濟南人。王

權。武陟人。侯金。贊皇人。楊增輝。洋縣人。葉

汝成。羅山人。李先春。羅山人。趙熙載。登封人。

大使。孫鍾。禹城人。黃文。曹州人。張華。平江人。

盧江。平江人。董源。麻城人。張孟正。曹縣人。

楊玘。定州人。席潮。盧龍人。

驛丞。張翀。山東人。李璇。南鄭人。李進益。都人。

陳佑武鄉人。西文慶東平人。張銳齊河人。

王縉紳鳳翔人。田子厚臨潼人。修驛七十餘

區。西蜀冷宗元爲之記。張清長清人。王嘉鄘

城人。頗有幹材。藍鉞涇州人。邢偉長安人。

江村山人曰。有明一代官師。他無考。聊卽故志及

父老談說。類次之。聞有知縣事葛逢夏者。貪殘人

也。時有葛斷筋之謠。一日坐堂。皇上急呼辛公子

至。拍案詰之曰。爾揚言於衆。餉我金果。爾我敢承。

卽命吏繫囹圄中。公子名成材。爲邑尙書。肅敏公

孫。美儀容。工辭賦。靜修一室。不問戶外事。突爲令

困辱。夜罄其橐。乃得出。遂憤鬱以卒。故志遺葛名。

而學宮前去思碑猶存。過者皆指而目之曰。此卽

所謂割斷筋也。或曰。茲碑宜仆而碎之久矣。然留

此一片石爲千古炯鑒焉。亦奚不可。

國朝設知縣。主簿。典史。驛丞。遞運所。教諭。訓導。七員。

主簿倪克儉。北直人。順治三年至。後缺裁。驛丞賈

桂。山東人。汪鼐。浙江人。後缺裁。遞運所儲裕。國丹

徒人裴維新。慶都人。後缺裁餘四員。據所聞見。稍列其行事。

知縣公家珍。蒙陰人。順治二年至。當天造初。闢草萊。勸農興學。以強幹稱。故志云然。陞鞏昌同知。佟昌年。遼東人。順治七年至。值酷旱。昌年步禱首山乾明寺。齋宿七日。與田民枕籍荆棘草莽間。未幾大雨如注。民慶有秋。因卽山麓建作霖亭。以美公公。邀諸生會文亭中。延明鎮江守夢翁先生第甲乙授梓。今所傳襄山會業是也。一時文教勃然。

興。續纂邑乘。今志是然。蕪矣。張卿。南昌人。舉人。

十年至。高自標置。蒞政殊濶畧。其試童子也。獨慎。

凡七覆始定。甲乙務遴真才。先子贈翰林公第一。

趙士旂。張雯。李錫盛。做次第列前十名中。後皆登

科云。王褒。會稽人。舉人。十五年任。余二聞江

寧人。貢士。十七年至。愛民少吏材。風雅善詩。罷官

後。寓余家西園者數載。一子一僕。行李蕭然。以士

民之餽。給朝夕。恬如也。劉履吉。南昌人。貢生。康

熙五年任。張允中。崞縣人。進士。七年至。修躬長

鬚以秦風剛勁之性。承前令履吉柔懦之餘。初蒞任。思以振刷一切。告戒嚴肅。四境惴恐。久之溫溫然。民皆愛之。其遺祠至今存。荆南貢皇木。道出襄。需夫役萬餘人。預集境上以待。時值刈麥。民惶急。公縱之還。至期無一人後者。公暴烈日中。與同食。飲。時田父獻酒。公不忍獨酌。舉杯酹地。曰。不能遍給也。衆皆感激泣下。其迎養二親也。徒步躬自導輿。數十里。父老夾道觀。嘖嘖嘆羨。長於材。晨炊官事辦矣。退食輒讀書。以故詩字蒞官較進。陞吏部

主事。遲燥。廣寧人。舉人。十二年任。旗人。知崇節義。蒲敏政。三韓人。十四年至。試童子如學使歲試例。五鼓諸生候縣門外。聲名入。足武相。無敢參差者。以次給卷。卷各有號記。又不得凌亂。公終日坐堂上如木偶人。晨午亦不退食。頃諸弊竇。一旦肅然。城東有巨盜溷天猴者。爲邑患。公立斃於杖。民乃安堵。而武弁與公不協。遂以誣善良聞上官。時上官寄耳目於西亭某。西亭卽今所謂官班也。或云稍屈抑西亭。可無恙。公卒不往。竟以此罷。

去。杜溥。歷城人。監生。二十年至。疾惡嚴。邑紳橫暴於鄉者。必摧折之。然於閉戶拙守之士。每加禮焉。至寡妻孤兒。煢煢無依。人欲鯨吞其資者。多方保護。使不得毫末有所奪。重理學宮城郭。築南北郊驛亭。屋宇徑壁異故規。植路柳。種灌有法。幾萬株。無植而弗生者。功甚巨。然四境騷然矣。於署東闢水村。竹籬茅亭。遊息地也。乃聚邑士會文其中。延耆宿四五人坐觀焉。饕餮備極。豐腴納卷。則勞以酒。第甲乙。明賞罰。士爭自磨勵。歲饑盜賊盈郊。

野人無寧居。盡捕治之。杖死囚死。絕食死。以棺生埋而死者數十人。盜息。酷烈聲亦最著。遂罷去。許子尊。金谿人。舉人。二十六年至。兵家子王習武。王荊州入節婦樊氏家。欲犯之。氏不從。竟殺死。其家訟於官。將庭鞠。而營弁命其曹伍。瞋目咆哮於縣門。遂罷訊。是時闔邑洶洶。皆知克主名。而公以文弱吏爲所挾。竟莫敢誰何。公素柔靜。頗與民相安。至是。遐邇嘖嘖。談說咸不直。公一事偶失。萬事瓦裂。悲夫。余年十六。應童子試。公拔置第一。嘗爲

公惜固不能爲之諱也。劉子章，貴陽人，舉人。三十三年至。公初蒞襄，宿境上。夜夢寓村鎮館舍中。遙見門外一婦人牽二子，被髮血淋漓，哭泣呼冤。公覺，卽異之。及底署，翻舊卷，果得樊烈婦事。未幾有事茨溝鎮。鎮烈婦母家也。恍如夢中所遇。是時茲案已注消四載矣。會河道周署司事，檄駁前案。公欣然將覆理。例後理者雪其事。前審卽掛部議。公不懼忤上官，不惜竭千金，橐營辦其間。卒戮兇人王習武於市。王荆州已前縊死。烈婦建坊表閭。先是烈婦初被殺也，有老嫗夢至冥府，方訊烈婦獄。云殺人者劉表，蓋習武本劉姓。表謂荆州又是獄，久不決，必待劉始表著也。風厲無情者難逞其辭。以故獄訟衰息，四境肅然。襄隸許，每科歲試，公謁學使，鄰邑諸生夾道聚觀，爭識其面，曰：劉公何如人。至今邑中每遇不平事，輒頓足嘆息曰：劉公在何至是。陞御史。民建祠以祀。陳治安，監生。山陰人。三十六年至。五十五年陞寧國府同知。久任，未有若治安者。凡一邑人田業之肥瘠，囊橐之盈

縮。樹品之正邪。秉性之強懦。或方直孤立。爲人所
忌。或豐饒慳鄙。爲人所怨。以及朋類衆寡。交接疎
密。無不瞭若觀火。其欲攫取其金也。或以貸。或以
事羅致。或震威若霹靂。或餌以好語。或始挫之。終
慰之。莫不恰苻乎其人之橐之性。及陞任。以敝衣
敗器酬負。亦如乎其人之橐之性。盡錙銖以爲取。
用以媚上官。饜飫妻子。則如泥沙。以故去官。倉有
匱。告急於衆。以實之。甘口而親色。雖其人素有憾
於我。視我如怨家讐人者。明知如以物委坑塹。終

不能不假以粟。曰無方以拒之也。當蒞政日。聞
聖駕將南巡。卽署爲行宮。大加修治。盡刈邑中喬
木。以理壯麗輝煌。改舊觀矣。衣羅綺。盛酒饌。七子
五壻。日飲宴於斯地者。垂二十年前。此所未有也。
未及十載。妻子凋喪。其存者僅一兩人耳。流落異
鄉。無片瓦之覆。嗚呼。可不鑒哉。可不懼哉。談猷。
豐川人舉人。五十五年至。喜吟詩。不諳於政。其聽
訟也。如隔帳。然彷彿形似而已。有富人爲母壽。衆
邀之往。公不得已赴之。至長揖而已。請者再復長

揖衆乃知其不可屈也。公亦不終筵去。有貧諸生素以文行著。公聞其有母喪。親臨拜而奠之。曰。朋友之母猶母也。其區別涇渭。又如此。罷官之夕。取印者方去。余往視。公笑語若平時。無幾微憾。見於顏色。噫。亦難矣。周應運。公安人。舉人。五十九年。

至。目上視。凌躐一切。凡事不近人情。而曰行吾心之所安。嗚呼。將以聚民所欲。勿施所惡。人心所安者。爲安乎。抑將拂人之性。以求安也。人性拂已。心安而人危矣。有孤兒年十三。士族也。家無次丁。貧甚。催課急。其母鬻其田。往送之門。曰。好完國稅。應運以其愆期也。必責之。名曰打完板。闖衙官役數十輩。涕泣爲請。卒不貰。寄權於司門者。貨賄悉假以通。而司門者。羅裳衣錦。襪被能以喜怒禍福人。人皆仰其鼻息。其囊橐亦不減主人翁也。調蘭陽。囚囹圄者三載。其妻子無人假以居者。李宏霄。鄆城人。貢生。雍正四年至。陳世蘊。洛川人。舉人。五年至。楊嘉。大名。人。七年至。今任者。方鴻揚。州人。副榜。

典史章國典江南人。楊光先黃州府人。姜騰

蛟登州府人。壽光廷紹興府人。胡寅碭山人。

周朝佐杭州人。官卑好自高。陳弘學上虞人。

鈕國輔北直人。履任久其材亦足以幹事。今

任者趙正溥會稽人。

教諭姚一桂安陽人。貢士順治四年至陞德安府

教授。歐三省濟源人。貢士。成王臣河內人。舉

人。陞三河知縣。順治年裁。商嗣奇洛陽人。貢士。

康熙十七年復設。王源鹿邑人。貢士。楊永崑

汝陽人。舉人。初蒞任年已六十。迎其父以養。時父

年八十餘矣。余先子嘗與其父奕。永崑侍側。趨走

承事惟謹。余猶及見之。王純新鄉人。貢士。劉

尙洛陽人。舉人。張培基睢州人。貢士。王振常

正陽人。貢士。張壬鹿邑人。副榜。尙寬新安人

貢生。事繼母孝。兩弟嗜飲。日賒酒飲之。使歡。遇故

人厚。叩者盈門。以故去官。日貧不能自存也。今

任者范敬修虞城人。舉人。

訓導楊士元汝州人。貢生。陶士類獲嘉人。貢生。

王作义。永寧人。貢生。馬奪錦。葉縣人。貢生。陞
 餘干知縣。岳牧。商邱人。貢生。與同里侯方域賈
 開宗徐作肅為友。蒞任僅七月卒。教士有規。不以
 脩脯介懷。死之日。弔者填門。啟其篋。無一錢。爭醵
 金賻之。輓以歌詩。先子贈翰林公為之序。高潔

鄧州人。貢生。趙睥。濟源人。貢生。薛國普。汲縣

人。貢生。侯之翰。修武人。貢生。李之璧。舞陽人。

貢生。夏瓚。孟津人。貢生。韓山瞻。澠池人。貢生。

楊浩。考城人。貢生。楊如檀。舞陽人。歲貢。湯

沆。睢州人。歲貢。司空文正公子。其為官與世人無

異。人以此少之。范黼。虞城人。歲貢。蒞官僅數月。

一日徧詣同年故舊家。一省視。人莫解其故。夜半

乘車去矣。遺致政詞投有司。其高致如此。袁魯

裕州人。歲貢。今任者。趙闈。延津人。歲貢。

余志官師。以任斯土也。其有駐節於斯。死事而捍

患者。其節其功。詎可沒也哉。故特叙述焉。

周景缺。楚將軍也。楚懷王二十九年。秦芊戎大敗

楚師。斬首三萬。取襄城。景缺死。今縣西。令武山有

古州城志卷四
將軍祠。不詳創始。按祠碑。自唐貞元時已有之。則將軍必有功於襄。而其死必烈。故祠祀至今不絕也。故志將軍諡令武。故將軍祠以令武名。而山之得名亦以此。

後周于翼。建德間爲安州總管。從大軍東討。自宛葉趨襄城。旬日下齊一十九城。後復東伐齊。九州三十鎮一時俱下。襄城民庶喜復見翼。並壺漿塞道迎。

唐高翼。建中四年。李希烈陷襄城。宣武軍兵馬使高翼死之。

陳利貞。靜戎郡王。李希烈攻哥舒曜於襄。利貞曜前鋒。登陴捍守。七十日。未嘗櫛沐。非議事不下城。明曹東村不詳何許人。明嘉靖二十二年。流賊師尙寬寇襄城。時東村爲河南憲副。與僉憲王率官軍來援。賊退屯於縣東之栢寧岡。兩公追擊之。賊委以輜重。佯遁去。王公策馬尾。其後官軍見賊輜重。競拾取。而賊悉衆來。官軍大潰。王公見勢急。馳歸縣東村。在岡巔。奮袂大呼曰。半軍已覆。汝輩猶

擁兵不前耶。因拔所佩刀欲自刎。於是人人奮激。岡固有五岳神祠。東村入禱曰。願假威靈滅此狂賊。俄大風自西北起。白晝如晦。賊壘適當東南。東村督敢死士三千。乘風縱擊之。賊驚迷擾亂。自相踐踏。遂大破之。斬首三千級。僵尸十餘里。尙寬奔五河。襄城遂安。東村後陞南京戶部主事。汪喬年字歲星。遂安人。明崇禎十五年。流寇李自成亂河南。時喬年巡撫陝西。詔擢爲兵部右侍郎。總督三邊軍務。督師討之。公聞命卽率三萬人出關。比

至洛。聞自成已陷襄。而東圍總兵左良玉於郟。乃留步卒於洛。以二萬騎倍道進。蓋襄城去郟僅百。里。喬年計自成聞官軍至。必解而西。良玉尾之前。後來擊自成可成擒也。是時襄城新破於賊。總兵鄭家棟者請假喬年節鉞。同邑舉人張永祺先行覘順逆。至則襄人焚香道左迎官軍。鄭旋還報曰。襄人忠義之氣可用也。而喬年已抵西郊四里營。遂將十數騎馳入城。此二月十三日也。時漏下二鼓。喬年尙未餐。有進食者。喬年曰。三軍之竈未火。

義寧忍獨食哉。復揮馬出還營。次日分賀人龍鄭家棟牛成虎三帥軍三路駐城東四十里而自勒兵駐城外。頃之哨者報賊至。三師不戰西遁矣。良玉亦奔而東。軍大潰。喬年仰天歎曰。此吾死所也。因將步卒二千餘人入城爲城守計。急召諸帥及署軍門贊畫官邑諸生劉漢臣耿應張何慊張和聲井良田張琇等。誓於城隍神曰。時值喪亂。正臣子戮力之時。誓死報國。願有同心。衆皆感激泣下。爰命張總兵國欽守西城。諸生何慊佐之。賈副將

守南城。諸生張和聲佐之。馬副將守東城。諸生井良田佐之。黨叅將威守北城。諸生張琇佐之。而喬年自當敵衝。以監紀同知孫兆祿叅謀議。諸生劉漢臣耿應張副焉。漢臣余大父也。時賊鑿城爲隙。置火藥其中。火發城崩。名曰放甕。喬年亦穿阱。隨賊所鑿處以利刃刺之。賊迎刃死。賊又以門扉覆其首穴城。喬年命漢臣諭士民以大石擊之。漢臣取鋪道石負而先登。從者如織。賊擊死甚衆。至今道上石半空也。賊覘喬年燾所在。輒以礮擊。雉堞

盡碎。屹不爲動。典史趙鳳豸跪舉其衣。請避之。喬年怒。以足踢其首。曰。爾輩怕死。吾寧怕死耶。誓死守。凡五晝夜。力盡援絕。城遂陷。喬年猶巷戰。手刃三賊。北望稽首。引刀自刎。未殊。被執。頸血淋漓。大罵不屈。遂遇害於城北之韓家庄。監紀同知孫兆祿。總兵張國欽。張一貴。副將馬某。叅將黨威。材官李可從。皆死焉。有賈副將者。單騎潰圍出。西南行。至今武山下。雪迷失道。陷溝中。死。自成深恨邑諸生佐喬年城守。劓。劓。劉漢臣等百九十人。又購舉人張永祺。不獲。殺其親族九家。十九日。拔營去。漢臣裹瘡。收喬年屍。藁葬殉節地。後改殮。面如生。事聞。遣官護視歸。襄人建祠祀之。與難諸將。劓。劓。諸生。祔食焉。獨張一貴。以失考。因失祀。喬年生平。詳見汪公祠下。茲第叙錄其死城始末而已。

史官曰。余聞諸父老。自成圍喬年。駐軍北郭泰山廟下。時有衆張旗鳴號。自城東南傍首山來。自成疑爲良玉軍。舉營驚愕。大潰亂。俄乃土寇劉扁子降自成也。使良玉果來。豈不足攝自成之胆。與喬

古汜城志卷四
年成夾擊之功。乃天不祚明。良玉東奔。三帥西馳。一困守孤城之喬年。如天命何。又聞賊中有黃龍者。以夢匿舉人張永祺。語祺云。喬年被殺也。剛一刀。罵一聲。嗚呼。烈哉。

古汜城志卷四終

古汜城志卷五

華嶽山人兄
青蓮裁定

江村山人
劉青芝撰次

人物志一

周穎考叔。鄭穎谷封人。初鄭莊公以其弟叔段之故。寘母姜氏於城穎。誓曰。不及黃泉無相見也。既而悔之。考叔聞而有獻於公。公賜食。考叔舍肉曰。小人有母。皆嘗小人之食矣。未嘗君之羹。請以遺之。公曰。爾有母遺。繫我獨無。考叔曰。何謂也。公語

之故。且告之悔。考叔曰。穿地至黃泉。隧而相見。其誰曰不可。公從之。公入而賦。大隧之中。其樂也。融。姜出而賦。大隧之外。其樂也。洩洩。遂爲母子。如初。君子曰。穎考叔。純孝也。愛其母。施及莊公。詩云。孝子不匱。永錫爾類。其是之謂乎。

後漢傅俊。字子衛。爲縣亭長。世祖徇襄城。俊迎軍。拜爲校尉。從破王尋等。以爲偏將軍。別擊京密。破之。及世祖討河北。俊與賓客十餘人。及於邯鄲。上謁。世祖使將潁川兵。常從征伐。世祖卽位。以俊爲

侍中。建武二年。封昆陽侯。三年。拜俊積弩將軍。與征南大將軍岑彭。擊破秦豐。因將兵徇江東。揚州悉定。七年卒。諡曰威侯。子昌嗣。昌徙封蕪湖侯。建中初。遭母憂。因上書。以家貧。不願之封。乞錢五十萬。爲關內侯。肅宗怒。貶爲關內侯。竟不賜錢。永初四年。鄧太后復封昌子鐵。爲高置亭侯。

堅鐔。字子伋。爲郡縣吏。世祖討河北。或薦鐔。召見。以其吏能。署主簿。又拜偏將軍。從平河北。別擊破大捨於盧奴。世祖卽位。拜鐔揚化將軍。封灑強侯。

與諸將攻洛陽。朱鮪降。又別擊內黃平之。建武二年。與右將軍萬修。徇南陽。時董訢反宛城。鄧奉反新野。會萬修病卒。鐔孤絕。南拒鄧奉。北當董訢。一年間。道路隔塞。糧饋不至。鐔食蔬果。與士卒共勞苦。每急。輒先當矢石。身被三創。以此能全其衆。及帝征南陽。擊破訢。奉以鐔爲左曹。常從征伐。六年。定封合肥侯。二十六年卒。子鴻嗣。鴻卒。子浮嗣。浮卒。子雅嗣。

李膺。字元禮。祖父修。安帝時太尉。父益。趙國相。性

亢簡。無所交接。惟以同郡荀淑。陳實爲師友。初舉孝廉。爲司徒胡廣所辟。舉高第。再遷青州刺史。青州凡六郡。惟陳仲舉爲樂安。視事其餘七十縣。並望風棄官去。後爲蜀郡太守。蜀之珍玩。不入於門。轉烏桓校尉。時鮮卑數犯塞。膺常蒙矢石被創。拭血進戰。卒破走之。虜甚憚懼。以公事免官。還居綸氏。教授常千人。荀爽嘗就謁膺。因爲其御。旣還。喜曰。今日乃得御李君矣。其見慕如此。永壽二年。鮮卑寇雲中。桓帝聞膺能。乃復徵爲度遼將軍。自膺

到邊。皆望風懼服。先所掠男女。悉送還塞下。自是之後。聲振遠域。延熹二年。徵。再遷河南尹。以表按宛陵大姓羊元羣罪。反坐輸作左校。初。膺與廷尉馮緄。大司農劉祐等。共同心志。糾罰姦倖。緄祐時已得罪輸作。司隸校尉應奉。上疏理膺等。乃悉免其刑。再遷。復拜司隸校尉。時張讓弟朔爲野王令。貪殘無道。至乃殺孕婦。聞膺厲威嚴。懼罪逃匿。兄讓第舍。藏於合柱中。膺知其狀。率將吏卒。破柱取朔。付洛陽獄。受辭畢。卽殺之。讓訴寃於帝。詔膺入殿。御親臨軒。詰以不先請便加誅辟之意。膺對曰。昔仲尼爲魯司寇。七日而誅少正卯。今臣到官。已積一旬。私懼以稽留爲愆。不意獲過疾之辜。誠自知釁責。死不旋踵。特乞留五日。尅殄元惡。退就鼎鑊。始生之願也。帝顧謂讓曰。司隸何愆。乃遣出之。自此諸黃門常侍。皆鞠躬屏氣。休沐不敢復出宮省。帝怪問其故。並叩頭泣曰。畏李校尉。是時朝廷日亂。紀綱殫阯。膺獨持風裁。以聲名自高。士有被其容接者。名爲登龍門。及遭黨事。當考實。膺等案

經三府。太尉陳蕃郤之。不肯平署。帝怒。遂下膺等於黃門北寺獄。後以赦免歸鄉里。居陽城山中。天下士大夫皆高尙其道。而汙穢朝廷。頃之帝崩。陳蕃爲太傅。與大將竇武共秉朝政。連謀誅諸宦官。故引用天下名士。乃以膺爲長樂少府。及陳竇之敗。膺等復廢。後張儉事起。收捕鈞黨。鄉人謂膺曰。可去矣。對曰。事不辭難。臯不逃刑。臣之節也。吾年已六十。死生有命。去將安之。乃詣詔獄。考死。妻子徙邊。門生故吏及其父兄。并被禁錮。

李瓚膺子。東平相。初曹操微時。瓚異其才。謂子宣等曰。時將亂矣。天下英雄無過曹操。張孟卓與吾善。袁本初汝外親。雖爾勿依。必歸曹氏。諸子從之。並免於亂世。

史氏曰。余按唐書表。膺趙郡李氏。出自秦司徒曇數。傳至秉。字世範。潁川太守。因徙家焉。秉生翼。協敏。敏五大夫將軍。生謨。道朗。謨字道謀。臨淮太守。生哆。華旭。哆字子讓。上黨太守。生護。元護字鴻默。酒泉太守。生武。昭奮。武字昭先。東郡太守。太常卿。

生讚修奕就修字伯游後漢太尉生諒叔訓季諒
字世益趙國相生膺字元禮河南尹生瓌瓌瑾瑾
字叔瑜東平相避難復居趙再按漢官儀李修字
伯游襄城人則知秉爲潁川太守徙家固家襄城
也。因卽唐書表所載膺祖父子姓家於襄者備錄
其世系官闕焉而行事莫詳後漢虞詡傳李修爲
太尉詡爲李修府郎中時羌胡反詡說修不宜棄
涼州修虛懷納其言東觀紀修四子諒叔訓季號
四龍皆爲牧守其可知者僅此而已據表膺父諒
字世益膺三子瓌瓌瑾瑾東平相瑾子宣而范史
云膺父益子瓌東平相瓌子宣似蔚宗誤謝承漢
書瓌作珪又不知其何據也

聶季寶與李膺同縣小家子不敢見膺杜周甫知
季寶不能定名以語膺呼見坐置砌下牛衣上一
與言卽決曰此人當作國士卒如其言

晉杜育有才藻晉惠帝時與潘岳左思輩齊名號
爲二十四友餘不得與焉

唐張善相大業末爲里長督兵迹盜爲衆附賴後

古江坡志卷五
六
據許州歸唐。詔授伊州總管。王世充攻之。遣使三輩請救。不報。會糧盡。衆饑。善相謂僚屬曰。吾爲唐臣。當効命。君等無庸死。斬吾首以下賊。可也。衆泣不肯。曰。願與公同死。城陷。被執。罵賊。見殺。高祖聞之。歎曰。吾負善相。善相不負我。乃封其子襄城郡公。

張曄。睿宗時。爲銅鞮令。性豪殖。喜賓客。弋獵。玄宗爲太子。在潞州。曄厚奉事之。數集其家。及卽位。拜宮門郎。與姜皎等並侍左右。後爲大理卿。封鄧國

公。進京兆尹。以幹治稱。入侍宴樂。出主京邑。時人以爲寵。累遷左金吾大將軍。加特進。子履冰。季良。弟晤。仕皆清近。曄嘗還鄉上冢。帝賜詩及錦袍。繒綵乘驛就道。子弟車馬聯綯。勅州縣供擬。居處尊顯。天寶五載卒。年九十。子履冰。歷金吾將軍。季良。殿中監。俱列棨戟。

宋楚芝蘭。初習三禮。忽自言有授。以六壬遁甲術者。詣闕自薦。錄爲學生。以占侯有據。累遷司天春官正。判司天監事。占者言五福太一臨吳分。當於

蘇州建太一祠。芝蘭獨上言。京師帝王之都。百神所集。若於此爲宮。萬乘可以親謁。百官便於祗事。何必遠趨江淮哉。朝廷從其議。仍令定祀儀醮法。宮成。特遷尙書工部員外郎。賜五品服。後坐事出。爲遂平令。年六十卒。子繼芳。城父縣主簿。

金衛衍。賦性醇謹。學宮遭兵燹。棟宇圯毀。衍出已貲。營造。人皆義之。子二。經綸。經以儒行稱。綸。進士。文登令。遺山以文登令爲文仲。或其字耶。

衛承慶。字昌叔。襄城人。父文仲。承安中進士。以孝友淳直稱於鄉黨。官至文登令。年七十餘卒。臨終沐浴易衣冠。與家人訣。怡然安坐。誦東坡赤壁樂府。又歌人間如夢以下二句。歌闕而逝。**昌叔資冲淡**。有父風。及識路宣叔王逸賓文伯起。故其詩似之。元遺山中州集傳之如此。

王利賓。字茂實。襄城人。樸直純素。作詩有古意。似其爲人。家與衛昌叔鄰。而不相往來。計平生所交。惟不肖而已。余一日過襄城。知茂實病。就卧內候之。乃見壁間所黏五言古詩十數首。竄改重疊。往

往可傳。然後知茂實所以交余者。特以詩故耳。渠既不言。余亦無從知之。惜登時不謄寫。今忘之矣。

元遺山中州集傳之如此。

元趙璉字伯器。至元中進士。初授嵩州判官。累遷湖廣行省左右司郎中。除杭州路總管。杭於東南爲劇郡。長吏多不稱其職。璉爲人剛毅開敏。精力絕人。吏服其明決。不敢欺。浙右病於徭役。民充坊里正者。皆破其家。璉以屬縣坊正爲雇役。里正用田賦以均之。民咸以爲便。有盜誘其同惡持刃出

市斫人以索金。市民戶斂以予之。璉曰。此不可長也。遣卒掩捕之。盡戮諸市。召拜吏部侍郎。杭人思之。刻其政績於碑。是時河南兵起。湖廣荆襄皆陷。而兩淮亦騷動。朝廷乃析河南地。立淮南江北行省於揚州。以璉叅知政事。旣至。分省鎮淮安。又移鎮真州。會張士誠降。乞從征。自効。遂移璉鎮泰州。璉乃趨士誠治。戈船趨濠泗。士誠疑憚。不敢發。又覘知璉無備。遂復反。夜四鼓。縱火登城。璉方疾。捫佩刀上馬。與賊鬪。市衢賊圍璉。邀至其船。璉詰之。

曰汝輩罪在不赦。今既宥爾，誅戮又錫以名爵。朝廷何負於汝？乃既降復反耶？汝棄信逆天，滅不旋踵。我執政大臣，豈爲汝賊輩屈乎？卽馳騎奮擊賊。賊以槊撞璉，墜地欲昇，登其舟。璉瞋目大罵，遂死。之。其僕揚兒以身蔽璉，亦俱死。及亂定，州民收其屍歸殯真州。事聞，賻鈔三百錠，仍官其子錡。

趙琬字仲德，璉弟。台州路總管。至正間，方國瑛以舟挾琬至黃巖。琬潛登白龍奧，舍於民家，絕粒不食。七日死。

楊士弘字伯謙，祖父俱官臨江。因寓焉，與范德機輩爲友。倡詩道於東南，好學，善屬文，尤工於詩。嘗爲南臺憲史，選唐詩名曰正音。其自著有鑒池春草集。

林從善，許昌趙文簡公居信寓襄。從遊之士甚衆。從善撰杖履親炙焉。遂爲趙門高弟。嘗師縣學縣大夫之於庠序，欲有所爲，輒佐佑之。字木魯，公狎以鄉先生稱之，而不名。蓋重其人也。

江村山人曰：余於金元以前人物，世久事湮，聊據

史傳古碑。故志裁汰編次。不敢標目。至有明一代。其顯仕者。於忠孝風節廉謹。無愧色。卽鄉曲士。亦知耻讓。爲先。迨我朝。文藝講貫。間有過於前修者。而實行。則瞠乎不能步其武矣。夙凜劉豫州善小。不爲之戒。竊取歐陽子一行。爲傳之意。苟有長焉。不敢沒也。然亦如乎其人而止。故分門紀錄。之以存其真。邵文莊許誌於人物。不作一類叙。恐大雅夷於曲士。高尙混於常流。旨深哉。

前哲明許廓。字文超。狀貌魁梧。倜儻有大志。博涉

經史。善草書。建文元年鄉舉。初授錦衣衛經歷。累官工部右侍郎。文皇北征。廓督餉。營建北京。廓提督神木廠。工竣。特賜宴勞。時交趾已入職方。其丁賦無定額。命廓往理之。及還。條奏數事。上皆嘉納。昭皇卽位。進左侍郎。宣德五年。河南大饑。民多流徙。上以廓大臣。素爲鄉邦重。命往撫輯。御製五言詩九韻送之。河南百州縣。七郡所分治。前歲農事缺。始旱澇復繼。衣食旣無資。民生何由遂。顧予位民上。日夕懷憂愧。前勅平安南。宏功列鼎彝。茲命

治鄉邦。其往勤撫字。徙者必綏輯。饑者必賑濟。咨詢必周歷。毋憚勞勤。虛文徒鎖碎。所志見實惠。勉旃罄乃誠。庶用副予意。廓至旌廉除貪。榜示有司。弗得復有科擾。禁豪右毋索取私錢。凡夫匠雜役。及諸采辦積逋租物。悉奏免。於是復業者萬餘戶。還朝。上褒齋備至。會兵部尙書張本卒。以廓代之。本威嚴。廓承其後。濟之以寬人心。大悅。年五十六卒。

史氏曰。昔朱西亭傳公。謂公大有造於豫。嘉靖三十一年。都御史蒲圻謝欲建祠祀公。不果。而縣人李五桂於順治間。應試大梁。親覩所謂許公祠者。其創始亦莫詳。又都御史張我叙撫中州。購公遺書。知縣事李若梓於公家得公經歷策立朝奏議若干卷。獻之。後遂失其傳。公裔龍光云。

田春。字景芳。永樂庚子鄉舉。除臨汾教諭。能以身教子。臻進士。山西叅政孫墀舉人。湖廣按察司僉事。一統志誤以春爲徐州訓導。其云子奉亦誤。王瓌。字宗璽。年十四。中正統九年舉人。明年成進

士任戶部主事。以廉稱。尋監臨崇教坊。所屬天津衛地當海口。饒魚蝦。有饋者。前政率以小節不爲意。瓌以不食水族辭。由是遂絕。監通州。值運通倉米二百萬石赴京。所司官吏私語曰。惟主事監收可無虧。考滿。以最陞南京戶部郎中。尋以母老乞養歸。瓌內剛外和。惡紛囂。自得請歸。恒村居。揭宴息之室。日習靜。朝夕手執一卷吟誦。或謂盍少輟。瓌曰。是秀才家本子。不能舍也。罕入城市。縣庭更絕迹。蓋三十餘年。云。弘治續修憲廟實錄。列於退慕如此。

李敏字公勉。幼聰穎。姑蘇顧昌爲邑學官。器重之。嘗教之學。中景泰五年進士。授監察御史。明習法律。有能名。天順初。奉勅撫定貴州蠻亂。巡按畿內。建議別開三河以通薊州餉道。免經海口覆溺。累陞浙江湖廣按察使。山西四川左右布政使。成化十三年入爲右副都御史。巡撫大同。未二載。召爲

兵部右侍郎與尙書余子俊協心相濟治部事。旣而陳鉞代子俊。怙汪直勢。數撼敏。敏守正不爲撓。尋以病歸。值河南大饑。載道悉餓殍。敏蹙然傷之。卽家條上救荒數事。帝多採納。尋起爲左副都御史。巡撫保定。旋改命督漕淮上。京通二倉官吏。責取羨餘。大誤漕計。弊百端。敏請禁革。令巡倉御史覺奏聞。從之。擢戶部尙書。孝宗嗣位。將耕藉田。舊儀。天子秉耒三推。觀公卿九推。敏請畢觀庶人終畝。因請增上中下農夫各十人。服常服。執農器。引見以從。天子得親覩小民駢肩累足。服勤力穡狀。罷以酒食布勞農人。帝稱善。從焉。倪文毅岳侍從耕藉詩。有曰。詔許三農瞻日表。又曰。勞燕真堪出大庖。蓋紀實云。河間永平大水。請遣官往賑。存生恤死。蠲稅給種。曲畫各有方。先是敏在大同。見山東河南轉餉至者。道遠多耗費。乃會計歲支外。悉令輸銀。人稱便。至是并請畿輔山陝歲輸糧各邊者。亦易以銀。依粟值餉軍。其贏召糴備軍興。敏在官。凡可以利益國計民生者。無不委曲奏請。帝悉

允納焉。至或於民有所病苦，則侃侃直陳，畧無畏懼。是時諸貴戚有恃恩倖，請京畿隙地者，敏執奏。朝廷已與民，不可更有乞鷹房牧場千頃者。敏言：中多小民耕耨地，不可以牧放踐踏。又因京師大水，承詔言官莊之濫，勢豪之橫，惟擇佃出租，可弭災。雖所請或允，或格不行。然諸貴戚聞之，斂戢矣。御史姜綰與蔣琮相訐，敏不直琮，再疏力爭，不聽。遂乞休歸，未抵家卒。敏歷仕四朝，孝宗恩遇尤渥。初以疾乞歸，上曰：君臣一體，卿勿去。朕使醫視卿。至章再上，始允。命有司給食米役夫，官一人護送。訃聞，上震悼，遣官諭祭，命有司營葬，贈太子少保。諡恭靖。敏親喪里居日，築室紫雲山麓，購書數千卷，與學者講習其中。市地供廩，給請於朝。額曰：紫雲書院。今遺址存。感少時顧昌之教，歲時問遺，不絕。且上言願分俸以給養云。

辛訪字谷道，景泰二年進士，觀政吏部，會御史員缺，詔吏部選進士補之。尙書廣昌何公曰：無如辛進士者。遂擢廣東道監察御史。康定皇帝念邊兵

戍守良苦。勅訪齋金帛賚之。先是使者憚臨邊不親致賜。中多侵尅。訪既受命。馳至延綏榆林等鎮。召集成卒。諭以天子憫念慰勞意。然後頒賚。人人感泣。舞蹈拜賜。內艱復。改南京四川道。天順己卯。監試南闈典試者爲翰林官。欲私其所親。衆莫敢言。訪厲色曰。大比興賢。顧可私耶。翰林慚而止。遷浙江按察司僉事。抵任。有司循故事。具供張什物。送官舍。訪悉却之。陞福建按察司副使。奉勅巡視海道。瀕海大姓私造海艦。與諸番市易。因相剽殺。訪捕其渠。沒入其艦。事連達官。窮治甚急。或勸少緩其獄。訪奮然曰。吾寧執法而死。不忍賣法而生。先是官浙。桐廬大姓連姻權貴。怙勢恣橫。部使莫敢誰何。訪獨捕治之。竟抵法。訪素清癯。言訥訥。若不能出諸口。至臨事。據法守正。剛毅不撓。雖萬夫莫圍也。當訪官南臺。都憲軒公時督糧儲。號嚴方。臺中鮮當意者。顧獨預識訪。曰。吾既耄。堪代我者。惟子而已。少優於學。觀政日。何公試以光武賜隗囂書。唐人送李愿歸盤谷序。嘆其辭理淵永。訪之

見知何公者以此蒞官。所在表彰前賢。何文定基。王文憲栢。金文安履祥。許文懿謙。奏請立祠鄉邦。春秋祀之。以風勵學者。呂成公舊祀金華麗澤書院。命有司新之。與學者講論其中。其自閩外艱歸。路由延平。太守與訪爲同年友。知其貧。將厚以賻。訪聞之。稱疾卧舟中不起。及葬。躬負土築墳。手植松栢。有助役者。辭之曰。人子所當自盡也。年四十八卒。所著詩文集若干卷。子四。耕耒。漣。漣。漣。有文。

高崧。字鍾秀。成化二年進士。授南京大理寺評事。溧水有豪民犯法。詔三法司往按之。崧微行訪得其情。乃正國典。以明慎稱。陞福建按察司僉事。初至。會汀漳盜起。時盛夏瘴方熾。同官皆憚行。崧獨奮然往。盜旣平。身亦無恙。任滿赴京。過高郵湖。值暴風。崧焚香祝天曰。崧平生有負心事。或舟中。有不義財。當覆我舟。俄而風息。復任陞副使。再陞按察使。屬官貪墨者。懲之不少貸。嘗曰。振綱肅紀。激濁揚清。使職也。然不能正己。何以正人。以故。每以

方嚴自勵而於同僚有過亦面加責讓曰近僚不正如遠屬何人多不懌久乃悅服福州民有謀殺古田民兄弟者其親受福民賂欲寢之崧卒論死弘治四年貴州苗亂以崧爲都察院右僉都御史往撫之送者數千人遮道號泣曰公去何日再來耶至貴未幾卒年五十八崧居官三十餘年而家貧如故死之日環堵蕭然子二瓌璿皆舉人賢而有文

張淮字邦鎮成化五年進士授山陽縣知縣都御史張鵬奏爲治行第一將擢用以外艱歸復補知蕪湖縣俗素豪奢淮身崇儉約未期俗變擢浙江道御史時縣人辛訪與淮爲同官會大計京僚有大署吏部門者曰廉明如辛訪清正若張淮蓋兩公一時聲價相埒云旋勅稽寧夏邊儲甫畢命巡山西再命巡蘇松再命巡陝西皆有聲乙巳星變詔求直言淮承詔上彌災釐弊等疏亢直會有忌者遂以事謫雅州判孝宗改元大學士劉健薦起浙江按察司僉事又以侍郎葉淇薦陞四川按察

使再陞陝西布政使。未三月。陞都察院右副都御史。勅整飭薊州等處邊備。巡撫順天。先是陝西歲稔。人相食。淮錄元中丞張雲莊詩。增以已意。奏之上嘉納。民賴以活。金州赤崩灣。舊有堰淤塞。疏請濬之。民得灌田千餘頃。至是順天永平大旱。民多流徙。淮多方撫綏。民得復業者九千餘戶。淮所在留心。民瘼。民獲又安。而親冒矢石。却敵禦寇。以及相地。因時。經紀邊務。功尤著。羗寇古北口。喜峯口。青山冷口。諸邊。淮擐甲爲軍卒。先從者雲湧。羗聞輒遁去。湖河川羗出入要害地。築石墻五百餘丈。於小响水谷禦之。而羗又於冬月水涸時。偵以入。乃束葦爲壁。乘凍灌以水。冰結如堵。又百四十餘丈。山海迤北大青山口。抵花場谷。邊墻頽圯久矣。親督版築。綿亘四千餘丈。延袤二百六十餘里。墻墉峻整。寧內禦外。皆淮殫心籌畫也。未幾卒。官年五十八。當淮巡蘇松。大璫王敬。摧折學校甚。士子不能堪。衆大譁。毀璫門。時有欲戮諸生媚璫者。巡撫督御史王恕適至。諸生往訴。恕曰。吾已言於張

御史矣。會事下巡按推治淮，果不肯承旨，重繩諸生，得未減。正德間，武弁馬昂以女弟媚上，上大悅，以昂爲右都督，數幸其第，舉朝呼爲阿舅。淮援祖訓，上疏力請罷斥，畧無顧忌。官總憲日，其門人與豫試，欲有以報淮。淮怒曰：高皇帝定制，獨此事於今尚存公道。子復壞之耶？遂與之絕。卽遣使命，其子不赴科。其風節如此。訃聞，上震悼，賜祭葬，廕其子衍爲太學生。

史氏曰：淮自山陽艱歸，無居第，依其友人李選。當

蘇松所寄家書有云：聞吾鄉二麥頗收，可裝一布被，令來子。秋後負來，來子其力也。書藏其嫡曾孫琇家。余伯父宗洙，琇婿也，猶及見之。嗚乎！一廉至此哉。其謫雅州也。寓蔡山聚鳳堂。夜聞呼邦鎮者三。淮趨出戶，山崩堂覆矣。溫陵李贄紀其事。王鑾字拱之，瓌子。弘治十五年進士，授行人，遷禮科給事中。當是時，逆瑾彬寧迭更用事，縉紳多罹慘禍，重足立。鑾獨抗顏正色，風采凜然，勅勘榮王莊田。一秉至公，雖權璫同行者，亦不敢撓以私。復

命特賜文綺白金。十八年夏，京師霖雨，疏陳禁貪酷，伸冤抑，蘇民困等六事。正德六年，大明會典告成，疏請摘其大凡，同經史進講。上嘉納焉。陞戶科給事中，遵化舊設鐵冶，畿輔困弊，奏請停免。從之。再遷禮科都給事中，以恤典太濫，上舉政申明二疏。上所奏著爲令甲。十年，配南郊，詔以太常寺少卿某相事。鑾曰：此大典也。小臣位輕，不稱。乃舉禮部尚書田景賢。又因京師雨雹，武廟違和，極言彌災。變保聖躬，以圖治安。鑾在諫垣前後十餘年，章凡數十上。雖未盡採納，然其言侃侃，皆有裨國。是毫無顧忌。云：陞山右叅政，遷湖廣布政使。以疾乞休，歸居四載，撫按廉其才望，可大用。凡五薦，乃赴都。時掌詮衡者爲大學士桂萼，欲鑾一往謁，卒不赴。啣之。六越月，始補雲南右布政使。及朝覲，遂以年老罷去。聞者多不平。鑾漠不介懷。同年憲副唐習戴書相謂曰：拱之升，沉不驚我輩，增重矣。抵家卒。年六十九。鑾素以孝友著，兄錦官蜀母盛宜人卒於署。鑾方鄉舉，聞訃，哀毀骨立。因作孝烏賦以

寄養不及親之恨。少從錦學。錦卒。請銘於呂涇野。柩以圖不朽。撫其子繼祖如已子。繼祖求異居。盡所有畀之。其妻許淑人卒。至易簪珥以營葬云。子三。繼詩。繼禮。繼文。所著有家食。居京出使。旬宣四稿。

姚汝臯。字舜卿。正德十一年舉人。明年成進士。授大理寺評事。是時武宗銳意巡幸。江彬等力贊之。車駕將出。汝臯上疏諫止。言甚切至。上怒。廷杖四十。謫刑部照磨。世宗入繼大統。首錄言事諸臣。復

原職。會大禮議起。汝臯欲復言。或曰。朝廷方主永嘉議。諫者紛紛。予杖無益。徒自苦。不聽。翌日。遂同陶滋。賀縉等。合疏以慎典禮。彰聖孝為言。跪左順門。大呼高皇帝。孝宗皇帝。上命司禮監諭退。不去。遂繫獄。再受廷杖。謫都察院照磨。尋陞兵部職方司主事。再遷本部員外郎。轉四川布政司叅議。兩土司以小嫌。治兵相攻。當事欲邀功賞。以叛聞。汝臯承詔往勘。單騎就道。親詣土司所。諭以威德。諸土司咸感泣。誓永絕鬪爭。且曰。微公來。吾輩其族

矣。自此與當事意忤。思有以中傷之。而汝臯遂致仕歸。汝臯初入蜀也。奉母安人以往。土司德公甚知其廉。又不敢以私請。乃間以其婦入謝安人。以百金爲壽。安人却之。不獲。勉留十金。婦夫囑安人曰。勿令大人知。及家居。貧益甚。安人出金告以故。汝臯瞿然封識以藏。後土司入貢。迂道省公於家。以故金還之。其清介如此。年六十五卒。

史氏曰。余聞諸故老。汝臯再被廷杖也。尤劇昏絕。不知人。彷彿有老嫗來飯。公乃蘇。後每陰雨。股骨輒發痛。跛踣不能成坐。起晚歲。築屋令武山之陽。蓮花澗。日逍遙吟咏其中。不復問人間事也。

辛自修。字慎軒。年十五。中嘉靖二十八年鄉舉。越七年成進士。授陽曲縣知縣。艱復。補海寧。以循良徵。拜吏科給事中。巡視京營。遷禮科都給事。自修狀貌豐偉。修髯。目光如電。嚴威儀。寡笑語。遇事敢言。風節稜稜。四十三年。考察天下官。自修上言。請自今詮授。宜量才任地。庶賢士不格於求備。中材亦得以自全。又疏論京營總督鎮遠侯顧寰及協

理僉都御史李燧。戎政不修。備禦無法。又論奪尙書顧可學。徐可成。侍郎郭文英。贈諡。又疏論誠意伯劉世延。自陳功伐。多至數千言。員外李鏞。表字多脫誤。非人臣祗慎體。又與御史陳聯芳論救某官胡應嘉。不應黜職。又與御史王好古疏訟某官曾詵。宜贈官。予諡。其他所奏宗藩名封婚禮諸疏。載在通紀。自修在諫院。擘畫政治。糾劾權貴。章奏累累。帝皆嘉納。有著爲令。甲者擢太僕寺少卿。歷應天府丞。大理寺少卿。光祿卿。巡撫保定。兵部左。右侍郎。萬歷十二年。拜南京都察院右都御史。掌院事。御史沈汝梁濫括贖鍰。特疏糾之。被逮論戍。南都素號陪京。上下惟因循故事。自修振刷整飭。一時臺中肅然。聲聞於朝。會都察院左都御史員缺。廷議會推至再。上皆不允。曰。向執法南臺者。非眞御史乎。遂特旨擢自修。以某官海瑞爲南京都察院右都御史。時中外交慶得人。而自修亦兢兢於庶官賢否。爲社稷生民計。時大計方竣。卽疏言撫按薦剡之非。及十五年京察。又先期奏察典中。

傷念多。爲國念少。宜虛心鑒別。留意孤立之人。帝深然其言。時貪競十餘輩。皆政府所厚。自知不免。乃急白執政。而給事某因上言。自憲臣疏上。衆論譁然。謂憲臣將以一眚棄人。一朝空國會。御史張鳴岡等拾遺。首工部尙書何起鳴。有謂何若能去辛。大當執政意。卽與辛偕歸。他日亦不失故物。何大喜。遂許自修挾讐。指使鳴岡。而陳與郊者。承風旨。並論辛何實齷齪。辛無錫高攀龍謂自修司計所。是非大與時忤。故執政陰啣之。而羣宵遂交搆。惟帝亦漸疑焉。顧憲成上書力諍。謫桂陽判官。御史張養蒙申救。奪俸兩月。而自修竟罷歸。久之起南京刑部尙書。改工部尙書。皆辭不赴。卒贈太子少保。諡肅敏。

史氏曰。公六歲時。邑令聞其穎異。召之至。長揖而已。左右曰。跪再揖。終不拜。又過其姻家。姻故敬其几以試。必正之。乃坐。其小時不苟如此。後巡撫保定。有里人過其署。署旁隙地畝許。見公與夫人引流灌蔬其間。又何其清苦。乃爾也。公子啟元嘗雪

中行道上。失足幾仆。有妓以手援之。公子勃然引刀自斷其袖。噫。庶幾公嚴正之遺風歟。

姚繼可字又軒嘉靖四十四年進士。授南陵縣知縣。俗尙僥詐。繼可懲豪猾。獎孝弟。卹單赤。汰冗徭。邑乃順。隆慶二年。以最徵拜四川道御史。出按宣大。適俺酋乞互市。因陳言邊務。指斥和戎之弊。拂當事意外。遷四川僉事。分巡重慶等處。地苗夸間雜。多負固。至播酋憚懾。奉命惟謹。萬歷四年。陞陝西叅議。分巡慶陽。地極邊。又與虜鄰詰戎蓄糗。虜

不能爲邊患。遷本省副使。兵備定邊等處。時百姓困饑饉。驕宗悍卒且爲亂。調劑有方。警塵遂息。遷山西按察使。陞湖廣右布政使。尋遷陝西左布政使。時貢酋潛掠南番蹂躪。重以套虜多故。屬歲屢稜。餉足民不病。以故入覲。日傾城遮道泥其行。尋拜右副都御史。巡撫寧夏。寧鎮又與羌接壤。時肆侵掠。而城中降夸叛卒。以內附爲將卒。雜處肘腋。地繼可制馭得宜。內以緝寧。而捨酋遣其裨帥武天祥來乞貢。十八年內艱歸。服除。有寧夏之變。內

躡於哮劉外誥於火酋乃以原官起巡撫陝西繼可向撫寧夏日嘗奏防守三事抵軍糧築邊墻修河防至是人皆服其先見乃羽檄促就道時逆黨構虜深入謀絕河西餉道遂星馳直抵河州以精銳遏其鋒別遣死士擣其穴虜遁糧盡達靈州而逆黨就戮復書善後事宜惟以訓練自固虜自歛關求市上大悅勅各邊遵行之繼可誠篤簡默居恒動止期合準繩若恂恂無能者至治民禦虜剛毅明決盤錯糾紛之際砉然理解平生歷官多在

宣大甘涼川陝西北一帶邊疆苗夸雜處之地變故遞出饑饉頻仍繼可諳練邊務洞曉物理凡所調度悉合機宜以故所至莫不帖然就理惟上亦深相倚重賞賚頻頒凡所條奏多見嘉納焉二十一年陞工部右侍郎疏辭不允次年始得請歸越四年復起前官再擢工部尚書以目矇乞休疏四十五上乃賜乘傳歸逾年卒訃聞贈太子少保遣官治塋守臣稱制臨祭者四再廕一子繼可初官南陵也一日同官失金突呼役某詰曰金爾盜也

令人持其衣至家索金。頃之至。僚屬驚問。故笑曰。吾見若執刀柄有土。淖忽聞失金。料必踐此。出入也。訊之果然。其爲觀察使。當錄囚。疑兩人應受戮。心矜之。與直指焚香祝天曰。凶人不終命也。第勿令罔及。展爰書果前。兩人其明慎如此。所著關寧奏議。河工覆議八卷。

方鏜。弘治十一年舉人。謁選在都下。時林慮馬卿會天下名士講學關中。馬理秦偉。呂柟山左。寇天叙。河南張士隆。田汝耜。崔銑。而鏜與焉。及授知吳

橋縣事。將行。問政於銑。銑稱鏜信中而直行。遇事以果。且曰。信則積愛蓄惠。民弗疑。直則布公止僻。民弗咈。果則定法一聽。民弗易。然信貴能明。否則塞。直貴能容。否則絞。果貴能詳。否則率。以頌以規。銑之所以勵鏜者。無弗至。惟鏜亦瞿然敬事。其語銑起而賀曰。此吳橋之福也。後果以政績聞。馮露。字仁軒。年十六。中嘉靖四十三年舉人。又十年成進士。初知樂亭縣。調遷安。以循良高等徵。拜刑科給事中。歷工禮二科給事。以言事稱旨。屢賜

鈔及花幣。後轉湖廣副使。兵備湖南。時水寇跳梁。出入洞庭諸湖。三楚震動。露親搗賊穴。破之。地方賴以寧。以功陞本省左叅政。會母王家居搆疾。露聞之。驚遽甚。不給聞。撫臣取篆付籓屬。卽馳歸。侍湯藥。便溺皆躬負。越二十日。母卒。先是馳歸時。撫臣以專擅劾。及聞訃。大悔。乃另疏其故。詔勿問。服闋。陞湖廣按察使。轉廣西右布政使。以父老乞終養歸。卒於家。年五十二。

史氏曰。公爲諸生日。鄰有隙地數武。厠其居室間。公欲以地易之。鄰大怒曰。俟汝貴。當自與耳。及公貴。鄰惶恐。持券上謁。公笑謝之。卒弗市。余嘗過房村里。公故廬在焉。壁上鐫隨處體認天理六大字。公手書也。噫。公之爲人。可想矣。

張寧字載字。萬歷二十年進士。授知江都縣事。時平酋訶朝鮮。諸邑戒嚴。寧雖日議戰守。然一切務爲鎮靜。訟牒有所勾攝。署其名。付訟者。與之期。逾期乃遣隸。逮之至。丙夜必竟其事。以故案無滯牘。而民不擾。至義所不可。則岸然獨伸其志。邑顯宦

有書私以干者。標其書於縣門。一巡方傲橫暴。有司以去。就力爭之。不爲屈。釐鹺政。商感甚。以四千金爲壽。揮於廷。諸使者行部過縣。故事供張。悉倚辦里簷。寧罷其不急者。曰。吾不能取民膏血以諛人。後擢南京刑部主事。轉知鳳陽府。郡人葉之山者。以御史家居。橫甚。其家僮尤不法。吏莫敢誰何。寧筭於郡。市廣衆中。遷夔州道。兵備副使。石柱土司馬千乘者。臺使索賂不獲。以叛劾寧。廉得之力。白其誣。臺使大恚。方欲中傷寧。寧曰。吾視一官如敝蹤耳。卽移病歸。時年五十二。屏居令武山之陽。曰芙蓉澗者。二十年。幅巾布衣。與野老日逍遙於林谷。泉石間。不問戶外事。然邑有大故。當事者必先關白。會熹廟朝。宦官魏忠賢竊柄。所在爭建生祠。撫檄下縣。縣令孫光祚詣寧。語其事先。是寧官江都。開採中使啣命四出。詘監司以下。寧獨長揖不拜。及守鳳陽。守陵巨璫聞寧剛。思折之。先詣寧省候。度寧至。閉其戶。旁開小竇以待。寧大怒。曰。吾豈由竇者哉。且去。璫急啟門延之。旣坐。語多侵璫。

不稍挫蓋寧少負氣節方嚴倔強素嫉此輩人至是推案起曰閹奴蠹國若老夫在朝久事彈章柰何欲污我桑梓士令逡遜去而祠遂不果建寧之力也寧孝友著聞盡所有昇異母弟無憾色事繼母如所生及卒寧年已七十矣哀毀遂不起所著詩文若干卷襄城縣誌八卷

古汜城志卷五終

古汜城志卷六

華嶽山人兄 青蓮裁定

江村山人 劉青芝撰次

人物志二

峻節明杜純字惟一成化十三年舉人仕天長訓

導性耿介不與世浮沉取予悉準道義流寇臨城以罵賊死家犬守尸七日人謂直氣所感

傅廷獻字瞻臣崇禎十六年進士少孤事母以孝聞李自成亂河南負母先渡河去初除濰縣知縣

知時不可爲。不就。僑寓金陵。福王稱制。特授兵部
職方司主事。時興平伯高傑。靖南侯黃得功。以揚
州忿爭。至碎欽差牌。拘羈道員。中外惶怖。上命兵
部有風力者。調和兩鎮間。咸推廷獻。遂銜命往。或
云。宜多衛兵以從。廷獻曰。無庸也。單騎至。諭以禍
福。兩鎮恐。得功赴無爲。傑赴河南。事遂解。會鎮江
府知府缺員。鎮江金陵門戶。稱要地。特擢廷獻。及
抵任。提兵總制張某。發火硝五萬觔。令按戶給徵
價。廷獻曰。此物非百姓所需。不應。又檄下徵火藥
三千觔。曰。守土官向未辦此。又不應。又以索銀縛
丹徒庫吏。將斬之。廷獻詣張。力爭其無辜。乃釋出。
拊膺太息曰。國勢顛危。生民塗炭。提兵乃誅求無
已。耶。而唐王分封廣東。過鎮江。索袍帶銀。廷津王
奪民船。且索船戶。換龍袍。篋楚械送府。廷獻大怒。
拘王使。因謂王曰。我朝萬年基業。有司壞之。兵與
賊壞之。今宗室又欲壞之。奈何。將具揭以聞。兩藩
卽日引去。其強力不屈類如此。乙酉五月。王師
渡江。屯於鎮江城西銀山。同官有密詣卜天運者。

廷獻幼通六壬家言。多奇中。以故奉母渡河。寓金陵。不及於難。至是奮然起。曰。少年用卜。趨吉避凶耳。今社稷危在旦夕。間有一無二。何以卜爲。遂拔劍登城。爲死守計。大書於壁曰。忠未報於君。孝先負乎母。仰面告蒼天。丹心照千古。先是有鄉老數輩。奉其母夫人。避於沙洲上。乃言公。公聞之大哭。曰。方寸亂矣。衆遂擁公詣母所。及王師入城。以令旨召廷獻。廷獻曰。某所以忍死苟存者。以老母在耳。願負母蹈海。長爲頑民。以沒世。惟王亦不

之強也。因得奉母歸隱於城北之赤澗。三十年不出。有司舉應鄉飲賓。公曰。昔箕子作賓王家。一來赴足跡罕入城市。公好飲。有客至輒飲以酒。醉後多談神仙鬼怪。以自放。晚歲又號夢翁。曰。吾平生一大夢也。年八十二。以壽終。

張贊字莘阿。崇禎癸未補壬午科鄉試舉人。旋授廣東程鄉縣教諭。未幾懷宗殉社稷。桂王以親藩立肇慶。擢贊爲監軍道。順治初。大兵南下。贊督舟師迎戰。敗。自投水死。

史氏曰。贊任程鄉。在明末兵戈離亂間。以故消息斷絕。迨至我朝順治初。先伯父宗洙閱邸報云。大兵克某地。監軍道張贊投水死。方知贊以身殉國也。雍正初。余夢至慈溝。公侄本漪家。北鄰有祠巍然。趨瞻皆公子姓。若薦享者。後已都忘之矣。一日過本漪語及公。曰。間壁卽公祠。余固不知公有祠。突觸余夢。不禁喟然嘆曰。公之忠節待余表暴。故假夢以警余耶。事最奇。故附著之。

李光閻。字繩麓。明諸生。崇禎十二年冬。流寇李自成將陷襄城。光閻儒衣冠。抱其平生所讀書。急趨學宮。曰。此吾死所也。遂投泮池死。

史官曰。昔歐陽子傳長樂老。謂爲無廉恥之甚。蓋不廉則無所不取。不恥則無所不爲。光閻草茅一書生耳。未有封疆之寄。乃恐爲賊汚。預以死矢。着青衫。明其職也。抱書策。不忘平生所誦法也。投泮池。擇地也。是其所取。所爲。皆義。豈非知廉恥者哉。善乎睢州田蘭芳表墓之詞也。曰。廉恥者。人心羞惡之良。根於性始。所以絕人貪昧。隱忍之私。制之。

使不爲不義也。人能存此，然後往無不宜，而天下取舍定矣。苟一朝而殄滅，無餘雖覲然人形，無以異於禽獸。縱恣貪淫之事，何所忌而弗爲？背君畔親之舉，何所顧而不作？上下相遁於名教之中國，雖存人，雖生，亦如無有。先生非輕生慕義者，乃欲全吾心之廉恥，而不忍喪重廉恥，正所以重綱常。余故特揭其指於隧道，使過者有所感而興起焉。張永祺，字多祝，寧子。天啟元年舉人。崇禎六年，流寇李自成亂中原，所在議城守。永祺分守東城，一切糗糧矢石悉出已橐。夜宿城頭，未嘗休息。越八年，自成破葉鼓行而北，邑令曹思正惶懼甚，以降表逼署名。永祺大怒，麾之曰：「素吃曰：賊來，吾期期舉砲一擊，餘期期任公等耳。」曹令脅之急，乃痛哭負母北渡河。史閣部可法薦疏有破家守城，不押降表語，奉旨特加擢用，辭不就。未幾，聞自成未果至襄東，圍總兵左良玉於鄖。總制汪喬年奉命督師討賊，由秦抵豫，次洛陽。永祺步詣軍門，具言襄人忠義，日夜望救狀，乃以爲前導，進軍襄城。自成

解圍圍西來環兵攻之。永祺與邑諸生等分城守。歷五晝夜。城陷。喬年死之。自成自破。葉後已聞。永祺不降。狀至。是又深恨。導汪軍前來。乃懸高爵厚賞。鳴鑼大索。張舉人。先是城將陷時。永祺夢以黃姓救免。而賊中黃姓者亦夢救張舉人。及城破被執。有頭目突來前曰。汝張舉人耶。永祺曰。汝黃姓耶。相顧愕然。頭目曰。此天意也。遂解縛引至帳中。永祺匿免。自成索永祺不得。殺其親族九家。及入本朝。隱居不仕。歷十八年。以壽終。所著偶然遂

靜夜述藏於家

明史。劄取諸生劉漢臣等百九十人者。以諸生佐督師總制汪喬年城守。遭劄取之慘者也。明崇禎十五年。流寇李自成亂河南。喬年奉命討之。二月十三日。至襄。襄諸生率邑人迎入城。時自成圍總兵左良玉於郟。聞而解圍來攻。喬年率將士城守。署諸生劉漢臣。耿應張。何慊張。琇張。和聲。井良田。六人。爲軍門贊畫官。其餘諸生分訊監視。爰進而命之曰。時遭禍亂。正臣子戮力之時。誓死報國。願

有同心。諸生皆感激泣下。於是參謀議勤奔走。凡
可以爲城守計者。不遺餘力。而又遣妻子餽壺漿。
往來城上。如織。歷五晝夜。力盡援絕。城遂陷。自成
磔殺喬年。深恨諸生。佐喬年城守。大索城中。一時
被執者幾二百人。至則耳。劓鼻。血流被面。而卒不
屈。其姓氏可紀者。署贊畫外。吾得百七人焉。李騰
霄。張懷瑜。耿光國。侯新建。申楊烈。劉宗洙。耿華國。
井公田。方策。侯新國。耿震國。耿應斗。朱璽。侯抒恮。
孫正華。王晉。吾。劉恩。廣。劉棟。熊一元。仝。九鼎。耿應
室。張瑞。朱孔。陽。夏宗禹。侯起西。武鷹揚。耿應晉。沈
至林。古純。崔騰鳳。耿日章。林馨王。攸躋。侯抒恮。張
忠蘭。陳步蟾。耿昞。孫兆麟。耿牧宸。陳荃。張孝蘭。井
應乾。周卜居。劉燦。薛定命。丁映井。應謙。周基昌。陳
芸。丁喚。齊文英。侯抒恮。耿日宣。侯開基。馮運。太沈
道。泰。周卜歷。楊道顯。李色新。陳星華。趙士瑛。崔峻
極。耿煜。張本濬。盛崇斗。李尙和。常景福。葉之蕃。井
心田。姚哲。張希聲。劉楨。井應坤。宋治平。張祖德。李
凝秀。雷動。宇楊。普昌。趙鍾秀。陳折桂。徐詣。立井玉。

田劉濟清林獻鳳丁暄辛成功孫從龍宋澤孚康
國禎崔達天張金聲薛鞏陳浣心劉相劉芳聲郭
定李暢周卜相宋澤采馮辰楊名顯孫振襄孫織
襄劉毓杞魏鉉陳洗心并用夏其餘以亂世崩離
無從考稽名遂湮沒而不彰悲夫

贊畫諸生劉諱漢臣者余祖也字四冲私謚文

惠邑人何謙守城日志當城守日賊戴門扉穴
城喬年命漢臣諭士民以大石擊之漢臣取鋪
道石負而先登從者如織賊擊死甚衆至今道

上石半空遂安方象瑛汪總督傳喬年死邑人
劉漢臣收其骸瘞莊后賊退改殮面如生華陰
王弘撰四冲公傳汪督師聞公才辟為監軍督
師死密具棺殮尸又收瘞諸死者遺骸賊去襄
人謀置長咸推公長者公謝不能臺使聞於朝
遂署邑宰公整理殘疆修飭政事襄復為完邑
無何京師失守公退居邱園鬱鬱不樂以卒驛
鹽道任竣劉公古惠祠記公襄人而襄人祀之
者遺愛存焉所謂古之惠人是也蓋屋李顯拜

文惠遺像。有鼻冽之異。作文惠先生像贊。載二曲集。而河南通志。劉恩廣傳云。父漢臣當流寇亂被刃。恩廣哭收父屍。漢臣遭劓。未曾殞傷。通志誤。余小子芝。叙述祖德。皆實跡。見於巨公傳志者。至溢稱。則不敢承。恐蹈自誣其先之譏云。爾宗洙恩廣。皆余伯父。周卜歷余外祖父也。宦達明郭安。字資深。幼負異質。喜讀書。一日自塾歸。值雨。避染家。閱其簿籍。後染家失火。索物者填門。尺寸多溢。實安適過焉。曰。吾猶能識也。因書出

之。索物者語塞。去。正統丁卯。南陽有楚生者。高自標置。冊所自爲制舉藝。歷遊兩河。樹幟車前。曰。丁卯解元。過襄安。候於旅舍。索其冊。夜觀。盡憶。詰朝還之。曰。此舊牘耳。楚生驚叩之。答如響。楚生嘆曰。郭子神人。應先著鞭矣。是歲。果以第一人舉於鄉。越明年。成進士。授廣西知縣。卓異。戶部主事。安少貧困。獨屠沽楊氏子。奇之。數餽遺。安亦時時過飲其家。及卓異赴都。過里門。車馬喧闐。爭持羊酒。上謁。安悉却之。而獨厚遇楊氏子者。其一飯不忘德。

如此。

井震號龍川。嘉靖四年舉人。累官浙江鹽運運同。齏署號財藪。羨鏹金。歲以萬計。震悉革之。陞雲南廣南府知府。麗江土司木當襲職。例以金餽府。乞結。震却之。三獻。卒弗受。後致政歸。木每入覲。道由襄。必訊起居。致方物。其在滇。寄書省其母也。附俸四金。書藏其孫濟家。先大夫猶及見之。

井鳳翥。字儀卿。震子。以歲貢。歷柘城。安定。學官。擢房山知縣。縣福小。距京師七十里。西山產煤。諸瑄

希煤利。構鬪無寧刻。鳳翥以法束之。帖然後。大陵山鑛洞。馬鞍山石料。開採繁興。大璫往來如織。閭里騷敝。慨然嘆曰。吾何能以五斗粟。日僕僕。應寺人。猴冠輩哉。遂解綬歸。屏居舊第。東偏之小圃。課子孫以學。不問生產。後輩請益者甚衆。間以雞黍相延。亦弗却也。性謹飭。卽盛暑。未嘗岸幘。徒跣。宦遊十餘載。囊底蕭然。張憲副寧傳公。謂居猶故廬。田猶舊井。子孫寒約。無餘潤云。

國朝田起龍。字雲從。性孤岸。雖貧無以炊。腹時作

雷鳴而跬步間威儀翔整。不少挫。明季邑遭李自成蹂躪。又重以歲屢凶。士皆徙業爲生計。起龍獨修尙學業。爲文峻潔。詞必已出。當自成未破城時。雲從夢至城北韓家莊。有冥官坐堂上。俄關將軍持三簿入。一善人。一惡人。一節孝。善人簿。余祖漢臣首列。惡人簿。首王登。節孝簿。卽雲從母夫人也。云。後人當以科第顯。及城破。一賊提刀突入。王登家屠其十八口。無遺種。雲從嘗授徒蕭寺中。先世父宗洙過之。方拾落葉燃火。世父親其掌握手。嘆曰。形如噴硃相家所貴。君豈久賤貧者哉。焚火坐語。因述昔夢。曰。惡者昭昭。他寧溟溟哉。子言或不誣。及我朝定鼎。果中式。順治元年舉人。明年成進士。授知松陽縣事。松陽山邑也。無城郭。多寇患。後置將防守。民又苦兵。甫下車。卽謀築城。且躬負畚插以倡。不旬月。迄工。選壯士訓練以守。寇不敢向。邇復請上憲撤防兵。民安堵焉。地僻。人鮮知學。進諸生教之。定月試法。第其甲乙。士爭自奮勵。後鄉舉葉生。卽其所造士也。丁酉。分校浙闈。得士六。

又皆一時知名者。都撫以最薦。將擢用之矣。乃以病卒於處州府之傳舍。年六十有五。韓家莊。卽自成破城後。磔殺汪督師喬年處。

賈壯字止庵。少貧。嗜學。工舉子業。手錄徑數尺許。暗誦不遺一字。每友朋文會。衆方據案吟思。壯步蹠庭院中。口喁喁數往反。篇已就矣。若夙構者。順治元年舉人。明年成進士。授懷寧縣知縣。時江西金聲桓作亂。所在震懾逃匿。勢逼懷寧。僞使持牌招降至城下。壯立戮僞使於市。修武備。謹斥堠。日

夜爲守禦計。迄聲桓敗。未敢加兵懷境。以薦擢戶部主事。遷員外。再遷本部郎中。尋轉河東兵備道僉事。河東富庶甲天下。巧宦者百計攢營。及壯有是命。乃嗾其黨撫懷寧。舊事劾之。有旨解任赴勘。懷人聞壯至。咸勞之。且爲白寃。遂坐言者。而壯得以原品補用。授榆林兵備使。榆林兵餉。舊支藩庫。多稽遲。壯設預領法。領先期。而頒給則以時。又移咨藩司。州縣近榆林者。額徵銀徑解道。以備餉。兵民兩便之。踰年卒於官。壯有孝性。父患痢。禱於神。

神夢告曰。蒲公英可愈。時嚴冬積雪。竟得一二莖於山谷間。尋瘥。又有書癖。官懷寧日。搆書數千卷。至今藏書家推賈氏云。

侯抒愮字爾謨。順治四年舉人。越四年成進士。本名抒憤。殿試日。世祖顧問曰。爾何憤耶。御改今名。少貧甚。躬爲耕。尙不能給朝夕。然性嗜學。每之田。携書冊以往。且耕且讀書。人竊笑其迂。獨其師田起龍奇之。及成進士。與田同榜。云。例授知縣。抒愮曰。子產云。學而後入政。吾學未優。遽可子民。

哉。具以請。遂改河南府教授。秩滿。遷濰縣知縣。濰號富饒邑。抒愮行次白浪河。慷慨誓曰。吾爲治。願同此水矣。時旗人逃匿禁嚴。奸民每借以傾人產。發其伏。懲之大。賈郭誣陷於獄。縉紳十數輩代爲請。不聽。曰。朝廷自有法。郭惶懼甚。及對簿。事卒得白。郭餽千金謝。拒弗納。抒愮貌癯。謹慎謙遜。語若不能出諸口。歷濰五載。惴惴憂惕。無片刻舒時。惟恐墮厥職。至義所不可。則抗厲不屈。同年某爲萊州守。移書有所徵責。復曰。凡可以報朝廷。惠百。

姓者願努力以承餘則未敢聞命守大志思中傷之會巡撫劉芳躅至先是芳躅以翰林學士奉使祭海過濰稔其政績故抵任卽特疏薦遂擢戶部主事去踰年卒公宦遊日其妻家居鬻鹽沽木棉爲生計妻余姑也余少時聞之及卒京邸貧無以殮同官鄆陵王曰溫賻之復歛衆資致其喪於家嗚乎白浪之誓公真可謂無負矣

耿應張字覲臣少孤喜讀書嘗閉關於登封之少室山食飲與老僧共凡五歷寒暑未嘗一至家園其精如此性聰穎日誦數千言於書無不窺尤好莊列管韓以及董仲舒賈長沙陸宣公奏策爲文雄偉蹀躞聲響逼古少爲諸生卽知名學使試七冠其曹乃以歲序成貢士順治辛卯年四十七已九踏棘闈矣意落魄甚出闈候榜歸德侯方域素與應張善索觀其闈牘嗟賞良久曰表策余擅場四書藝應翰君矣是科果以第四人魁中州明年成進士授荊州府推官正巨豪李君權罪斥其餽金陶欽明萬人敵曹大魁等沉寃久繫囹圄悉釋

焉。時荆大水。嚙城幾崩。捐俸市布。作土囊數千。禦之。貫兩人耳。杖一捍兵。以示警。人爭趨事。城乃無虞。而勦寇功尤著。當是時。巨寇姚黃久據巴東。與山一帶。王二王三復爲倚角。夸陵失守。勢張甚。手畫四策。上當事。悉見採納。卽以兵事委應張容美。五峯石梁巴東相繼降。皆其力也。督撫上其最會。科道員缺。詔取入京。未及補授。卒。所著雪堂看語。十二卷。

張雯。字首阿。永祺子。余姑之夫也。年十四。補邑庠。

生。順治十六年舉人。方其應舉。大梁也。豪飲劇談。束書不一視。武陟索著者。與雯比舍居。伊唔連日夜。雯厭之。數就掩其卷。曰。迂儒。此豈讀書時耶。索亦私謂若紈袴子。逢場作戲耳。柰何攪我及榜發。雯居第十。而著名。顧在後。乃大驚。是時雯年二十二矣。四上春官不第。授息縣教諭。雯旣生長名家。而又少登科第。材力英敏。迥出流輩。舉世若無當意者。謂旦夕清要立致。顧乃困頓公車十有餘年。僅循例官寒。羶冷署。意忽忽不自得。業將請告矣。

而上官忌者。復中傷之。遂罷歸。斐短小精悍。雙目炯炯。磊落不羈。其天性也。喜藝事。碁客畫士。時時滿座上。然當發憤讀書。則鍵戶扃關。數月不出。鉢心。指胃以思。嘗至嘔血。人見其臨文揮灑。筆無停思。莫不咋指駭異。以爲天分獨絕。不知其於學問。刻苦如此也。罷官後。屏居慈溝之舊廬。闢地蒔菽。日課僮漑灌。比歲卧病。語家人曰。吾少時夢神告我。以年數。歲庚午。其不免乎。已而果然。卒年五十。余仲太乙銘其墓曰。干將莫邪。水剗陸剗。不施於用。出匣而折。蓋惜之也。

雷聲字虹如。康熙戊午舉人。任新安教諭。新安山邑。田瘠薄。歷任二十年。度支悉辦於家。未嘗責弟子脩脯。而課之則有方。每大比歲。爲七藝文會。供其餽粥。授以體制。士爭自奮勵。以故登科目者較他邑爲盛。而百姓戴德。猶至今不忘。云。當康熙三十年間。歲屢稜。民多逃亡。餘者成就城居。會陝西糧運路由新安城。宿夫鬻粥。可延旦夕命。而令嚴城禁不得入。百姓泣請聲。聲白令。令曰。有倉庫在。

聲曰。正爲此耳。百姓去。誰爲君守者。令卒不從。百姓聞之大哭。競相率携妻孥走旁郡。令懼。詣聲謝曰。君言是也。遂諭門軍。運車悉由城西達。而百姓欲去者留。已亡者復返矣。任滿。陞奉化知縣。甫下車。吏白例有坐里銀千金。百姓自供新令者。聲曰。朝廷詔祿何爲。乃取民脂膏耶。出示革之。奉化爲寧波府屬邑。寧波濱海。三歲一理戰船。值官給屬邑分任之。木帀於縣。工造於府。奉離府七十里。山路崎嶇。往者帀木。令下官役四出。木中式者記之。

卽責運。值尙不足。木聲如價。帀而雇役以運。奉人德焉。有老人以苦病自縊。其鄰武生某者。嗾其長子訟。其次子勒殺父。而陰謀其產。公檢視。實自縊。呵責二子。而武生力爲長子解免。聲曰。情卽在是矣。嚇之果吐實。乃重懲武生。而責二子不能視父病者。一邑稱爲神明。江山者。府皂役也。竊入獄。與囚私語。刑吏白聲。責而詳於府。府嘉其執法有胆力。實陰啣之。乃以他故責刑吏。聲知戇直之不能久容也。遂拂衣歸。里人爭來候。見其行李蕭條。無

南物。私嘆曰。其何以遺後人。聲聞之。顧其二子而笑。曰。吾以楊伯起遺後人者。遺汝曹。顧不厚耶。聲少日。生母魏孺人病。束帶夜侍床頭。偶假寐。忽聞索茶聲。驚起。急取爐上茶。茶湯沸。著手。不知也。至老。瘡痕猶存。有兄行世。聲鄉舉時。年已七旬矣。衣加損。食早暮。皆躬視之。不假子侄。僚婿并焯老而乏嗣。爲出貲置妾。又割附郭田數畝。爲義塚。其厚德多類此。

侯瑜字濰生。杼棼次子。四歲而孤。旋失母。稍長。出

繼伯父杼棼。杼棼已前歿。所及事者。獨生母周。以孝聞。每侍食。必親試。其酸鹹溫涼。卽宴賓。往往賓舉箸。然後卽席。益母食。未畢。不敢先嘗也。少頗好嬉戲。飲博。嘗私語其嫂曰。吾代兄理家政。庶兄得一於學。兄瑞素愛瑜。聞之大怒。呼而責之。曰。子有才。吾屬望意良殷。顧自棄耶。瑜悚息。乃折節耽勤。讀誦。每試。必携其所習制舉藝。徑尺許。手翻目注。期無一字不默識於心。乃已。食具案。方就。啖夜稍息。卽起。燃燭。自抵寓。以及提筆入試。一卷在手。若

不知有昏曉。食寢者。韓子所云若忘若遺若思若迷。皆有焉。友人李光汜聞而嘆曰。侯二精學如此。不掇巍科。定不休也。康熙壬午。果以第四人舉於鄉。越七年成進士。授石城縣知縣。縣故有鹽厥例。凌祿司收發。高下在手。民苦甚。瑜改制衡石。徵收乃平。其尤困民者。曰水脚。曰幫造。悉汰之。民歲省浮費以五千計。石界嶺海。士鮮知學。下車卽構學舍。擇其秀者指誨之。越三載。諸生黎貞舉禮部。前此八十年未有也。有虎爲患。文禱城隍廟。侍者仆。明日。虎就擒。高侍御玠誌其墓。謂瑜治石。如昌黎在潮陽。以文投惡谿。而鱷魚西徙云。瑜少與同邑劉青霞。青藜。青震。青蓮。青芝。耿埽。易萬。邦榮。田夢月。爲文會。相友善。每酒酣耳熱。輒以吏才自詡。諸人頗不以爲信。及治石。八載。乞休也。笑述舊語。謂幕客曰。歸與二三故人聚。話昔徵。今以視吾所負。定何如。方束裝就道。而遽歿於官。石人建祠以祀。在雍正乙巳歲。距瑜歿已四載矣。

祗恭明蔚聰。字務敏。父歿。塋西山中。荆棘草莽。人

跡罕至。聰廬墓所。鬚髮垢面。衰經不去。身朝夕悲號。形容憔悴。野火至墓。息蛇蝎伏。苦下不螫。人謂孝感。

夏質字天賦。貢士。父思誠。故隻身廬墓次。飯菜飲水三年。母歿。亦如之。有司欲上其事。質力止之。曰。事親。竭子職而已。豈希名哉。邑學博林鸞爲之傳。高瑚字宗器。父潤。爲流寇所掠。湖出入干戈以尋。瀕死者屢矣。卒奉父歸。及潤歿。湖年已七十餘矣。哀毀骨立。鄉人稱爲老孝子。五子。儒。散官。鏐。貢士。

鈞。鐙。同榜舉人。鑄。諸生。七孫。三益。舉人。三聘。三策。皆貢士。三長。三近。三傑。三接。皆爲弟子員。曾孫十人。卓步。天上鯤。化冲斗。冲霄。睿貞。冲漢。穎。惟穎。不列。膠庠。高氏。自潤。至卓。凡五世。合釜食。無間言。辛尙書。自修。表其墓。曰。萬歷改元。天子下詔。崇耆德。縣大夫黃以瑚。應詔。榮以壽官。是日。湖鶴髮蒼顏。纓冠束帶。屹如鸞。停鵠峙。賓朋賀者盈堂。諸子若孫。若曾孫。若外孫。數十人。繞膝下。以次長跪。奉觴。一時遐邇。嘖嘖稱嘆。不置云。

傅瑤增廣生母陳沒廬墓三年不返鬚髮盡白妻子病不顧也時天雨雹左右田中禾悉傷獨不及其墓一日有盜竊其物去聞空中呼曰此傅孝子物何可動盜懼而還之

傅霑母歿哀號昏迷室中火不知也突白犬投門霑驚火不爲災嘉靖十九年邑大旱知縣王鉞屢祈不雨知霑孝延之使代霑齋沐以禱未三日雨如注一邑沾潤

陳仕庠生其父病風突失所在仕惶懼覓之遇於許負以還以田讓兄別置數椽於潁谷間以教授自給隆慶間督學使者亢將行賞行優某同試生冀天佐抗言曰優行寧有過陳仕者使者叩其實嘉歎焉乃以前賞給仕

李文國母病日失明文國日夜哀號刻指出血拭目母目倏開

趙時雍與父莪俱爲賊執時雍哀求曰寧殺我毋殺我父賊竟殺莪時雍直前憤奪賊刀殺賊八九人因自刎未殊遂遇害

無名氏。崇禎十三年。歲大饑。至有買生人食者。一男子負其父至惠政橋。大言曰。生我者父。今父餓垂死。我活何為。願賣身充父一飽。買者趨之行。男子曰。我豈怕死者。何促為。適有好義人見而憐之。急取錢贖。已作羹矣。涕泣去。

張信。母為賊獲。信奔赴泣抱其母求代死。賊舍母縛信。母遂逸去。信窺母去之不可追也。乃奮臂大罵賊。賊磔殺之。孟津王鐸輓以詩。載藝文。子開泰。明諸生。年既耄。談及其父救母狀。輒痛哭。開泰以教授為生。弟子日課弗識。即向師叩其父事。師涕淚橫流。不暇復懲也。

國朝李復新。父際春。明崇禎末。為土寇賈成倫所殺。入本朝。復新赴訴上官。時亂離甫定。村墟少人烟。乃隻身裹糗糧。行又恐為虎狼所嚙。夜棲樹巔。控於開封守。守逮問。成倫具服繫獄。會大赦。減徒還本邑。起解。復新益憤。先發伏道左。俟其過。舉大石擊之。中腦死。歸詣縣自首。曰。父讐雪矣。願就死。令憐其孝。具所以白府。守駁之曰。成倫已赦。而

復新斃之宜如殺人律令無以對。有老掾擬議。令據以復。曰。蓋聞父母之讐。不共戴天。古云。殺人者死。未聞報讐者死也。又云。凡報讐者。書於士。殺之無罪。復新固已屢訴矣。且赦罪者。一時之仁。復讐者。千古之義。成倫之罪。可赦於朝廷。復新之讐。難寬於人子。成倫且欲原赦。而復新不免極刑。父子何辜。並遭大罹。一命二償。豈爲平允。伏願貫以無罪。且旌其孝。守不能難。卒如其議。表其閭曰孝烈。馮禧。字文谷。安陽教諭。事父以孝聞。父樂與妓人狎。禧每承其意。曰。大人今日出遊乎。父曰諾。卽沽酒爲具。扶父詣妓人許。而自立於巷外。至暮始歸。子贊兩事禧。尤謹。禧腎囊爲蝎所毒。痛不可忍。士人有善法術者。吹之卽愈。贊兩恐士人以爲褻。長跽請流涕不起。士人憐其情。而毒得差。城南某氏。候禧賞牡丹。贊兩從。禧入厠。贊兩爲淨不潔。時贊兩年幾六十。鬚髮垂白。猶循循俯立侍厠側。某氏性素戾。見之輒爲流涕。與弟翼兩隔巷居。一日過先子。先子設食不肯留。指其袖曰。食爐餅而甘。吾

將遺吾弟已在袖中矣。又令其力携炙床以隨。恐餅寒也。翼兩子世顯。康熙癸酉舉人。贊兩子世澤。丙子舉人。世顯愛世澤甚。數數問衣所須。食所宜。同赴禮部試。至盧溝橋。去都僅三十里。世澤素善病多懶。起居偶不懌。遽思南轅。世顯曰。子去吾何忍獨留。遂與同歸。世顯過情之友。與乃祖非禮之孝。久爲里黨所稱述。而馮氏一門孝友。遞傳蓋三世矣。

劉氏諱宗洙諱恩廣者。余伯父也。相繼以孝死。郡

縣表其閭。遂安毛際可傳曰。孝子劉氏宗洙。字長源。恩廣。字錫三。河南襄城人。四冲公之二子也。明季。闖寇搆亂。圍督師汪公喬年於襄城。四冲公以從事佐城守。城陷。督師罵賊死。并執四冲公。受數創。幾斃。恩廣兩耳皆斷。號泣負父以歸。時宗洙已遁去。聞父難。往赴。賊怒。截其耳鼻。後數載。四冲公邁疾。宗洙取糞竊嘗之。事甚秘。鄰人郭景儀妻從壁隙竊見之。以告景儀。今海內傳襄城有嘗糞孝子者。是也。父歿。兄弟破產營塋。合爨養母者數十

年。家庭雍睦。撫季弟宗泗。始終無間。其居有六燕。共巢。又芝生於寢門者三。人以為孝友所感。已而宗洙以明經授州司馬。恩廣屢試不第。遊太學。當得官。皆以母老不仕。及母卒。結廬墓側。毀瘠骨立。居歲餘。恩廣竟得嘔血疾。學博馬奪錦至榻前。反覆開譬。恩廣曰。勿復言。吾五內裂矣。尋卒。宗洙亦以積哀兼痛弟故。相繼嘔血。遂不起。里中私謚其兄弟曰孝友。曰純孝云。宗泗舉庚午孝廉。能以文行顯。論曰。余讀二孝子行實。及鄉先生所作詩歌。

誅贊。未嘗不涕泣橫集也。或曰。滅性不可謂孝。曰。嗟乎。自人藉口於滅性。非孝。而三年之喪。幾有不。可問者矣。夫天下之患。莫大於士君子緣飾中道。而以自便其私。如孟子謂傷廉傷惠傷勇者。而以。為可以無取。可以無與。可以無死。然人於傷廉之。故。概置之不論。而至於傷惠傷勇。必切切焉動色。相告。若惟恐其或蹈之者。蓋適以自便其私而已。余謂今天下有傷惠傷勇之人。猶將表而出之。以。愧夫傷廉者。惜乎不獲多觀也。而况發於天性之。

不容自已者也。夫孝子亦豈期其必至於死也哉。沉憂所結不能自釋。日浸月甚。遂至委頓而莫可救。卽起孝子於九原而問之。亦有不知其所以然者。何暇計及於身後之毀譽歟。間嘗憑弔今古夷齊兄弟之死於餓。伋壽兄弟之死於盜。自恒情論之。亦可以無死而無傷於中道。乃必斷然獨行其是而不悔。彼其心固已薄雲漢。凌川嶽。動鬼神。凜然千載如生。而世之與草木同腐朽者。何比比也。故孝子之死。直附於夷齊伋壽之死。可也。或曰然。

則聖人之言非歟。曰。聖人爲天下萬世立教。而間有賢智之過焉者。亦聖人之所嘉嘆而深惜者也。若子臯不得聖人爲之師。其去死也。寧有幾乎。

劉氏諱宗泗。字恭叔。者。青芝父也。康熙庚午科舉。

人以青芝贈文林郎翰林院庶吉士。桐城方苞造墓表。見墓下。鄆縣王心敬撰墓詞。儀封周棐作傳。載藝文。茲特錄貴州李祺傳。傳曰。劉宗泗。字恭叔。襄城人。舉人。十四喪父。從兩兄宗洙。恩廣。合釜以養。母崔。垂四十年。母老矣。與母連屋居。通以戶。夜

聞警嗽必披衣坐。既息乃復眠。或寂無聞。又必俟有欠伸聲。殆終宵疑懼。幾不成寢也。宗洙貌短。恩廣幹微修。宗泗中身。每製一新衣。不取稱身。但令三人皆可著。食必共案。出必同遊。入必同息。寒圍爐一室。暑分榻一庭。非有故無暫離者。兄出弟候。至夜分。弟出兄亦如之。更深將各就寢室。至中門內。刺刺立語。庭院往往至。聞雞鳴聲。一人鬱。兄弟輒顰蹙。一人適。兄弟定躍喜。推之其家。內外小大六十餘口。飲食服御。疾痛苛癢。愛惡欣戚。罔弗如一。

一體者。恩廣病宗泗。痛不可醫。爲文禱於城隍廟。願減算以代。時親知代請者數十人。見其辭旨。凄苦。哭訴仆地。幾至隕絕。皆感激泣下。有賈生者。不知書。性戾。觸痛竟至。大哭失聲。母崔歿未及二載。宗洙恩廣相繼以毀卒。遺孤四大者。十齡餘。小者才數歲。養育保護如懷抱。嬰兒教之學。舌強唇焦。至更殘燭跋。猶媿媿不休。然特憐愛。不忍箠楚。又恐其玩也。常微示以意見。有難色。復餌以好語。事無大小。每伺其意所欲。苟有請。雖心弗願。必姑從。

有大過。不忍面責。往往令親故婉諷之。自遭母兄大故後。外侮遞至。生事日狼狽。宗泗一身撐支。其間凡戶外事。以及米鹽零雜。躬自經紀。不以委諸孤。家人皆熟眠。尙未寢。家人皆飽食。尙未餐。家人衣數易。猶衣故裳。子青芝年十四。冬月未有被。衷折布單裝。以綿僅覆半身。續以晝所服袍。乃卧。語云。視侄猶子。殆過之也。如此者。幾四十年。卒撫四孤。克有立。青駿增生。青霞廩生。青藜翰林院庶吉士。青震舉人。俱以文行顯。青藜尤知名。論曰。襄城

令劉豹南子章。余同年友也。余客其署。數載。豹南延太乙爲子師。因識太乙。太乙高才博學。文名蓋一世。頃辛酉歲。查德尹嗣璫過黔。爲余稱太乙不置口。固久聞聲。遂爲金石交。每夜闌酒餘。話平生。輒涕泣。嗚咽曰。藜十歲而孤。以養以教。以有今日。生我者。父母。叔父實成之。叔父卽恭叔先生也。因叩其家政之詳。不禁驚詫。今世有斯人乎。登堂拜床下。先生器宇溫藹。子侄輩周旋趨承。恂恂孝謹。太和之氣。溢於家庭。昔蒲田義門鄭氏規範云。家

長以至公無私爲本。先生持家數十年。一錢尺布。未蓄私室。可謂公矣。然任事責已出。而給物先諸孤。自兩兄繼歿。孤兒羸稚。其所以撫摩寒燠。伺察飽餒。惟恐稍有違其候者。亦不自知其畸重畸輕也。間語豹南。豹南曰。劉氏家法。類唐柳氏。宋司馬氏。余固聞之。及蒞襄。數載。每與其鄉人語。無異詞。且嘖嘖稱恭叔先生撫孤事。其服羞作息。纖悉委折。乃如是之雍睦哉。余謂先生宜登國史。孝友傳。因卽太乙所述。及豹南所聞於其鄉人者。妄擬史

傳一通。簡質無溢語。以備他日太史之採。太乙青藜字也。

張本沅字員嶠。母病瘡。累月卧床褥。調藥滌穢。皆躬親。及歿。殮以其妻稼時衣。人多憐之。家固貧。山田百畝。荒廢不治。破屋纔數椽。而妻又以病廢。不能操井臼。父瑩喜歌詩。不問家有無。一切米鹽薪水。皆自勤筋力以養。自母亡後。念父獨居。共卧起者。歷十八年。所未嘗一夕離左右。性慤直。與人處意所不可。殊落落。一投契。輒推心。生死禍患不易。

也。其是是非非。好善惡惡。發於真性情。而無阿比。矯飾者。朋儕中以員嶠爲首。稱少善文。迄老不遇。邑令劉子章聞其賢。欲縣試首拔之。及試日。終夜不寢以病。本沅太息曰。吾屢夢乘蹇走牆頭。或困夾壁中。天告我矣。何試爲。竟以布衣終。

耿易字仲悔。余從甥也。幼失恃事繼母如所生。撫異母弟。有篤愛之僻。委以家政。不閑其出入。雖所謀未必臧。必委曲從之。歲凶。生理窘艱。弟曰。兄盍以制舉藝往投梁宋間故人易粟乎。易曰。諾。翌辰

卽就道。其往也不持路資。及歸亦無長物。後再出游。北渡大河。遍歷懷孟。匹馬走太行山下。無旅店。人問知其姓字。餉以食。除夕始歸。體素豐。已半癯矣。或勸之分箸。易大怒曰。吾與兄弟寧合食而死。不忍異釜而生也。竟以是卒。未歿前數日。散步學舍院中。時作太息聲。間蹲踞以指畫地爲字。旋塗之。竟不知作何語。噫。可哀也。先是弟生子甫落地。而母亡。適易有子前殤。抱而與其妻。妻有難色。易曰。汝弟乳之。他無累。夜懷以寢。推乾卽濕。如老嫗。

及長教以學。人曰：子一身兼怙恃矣。性誠篤，其授徒四方也。凡執贄來者，必先叩其舊所習，再試其文藝。然後如其人授以書。書冊必潔整，次丹黃其句讀。次察審其聲韻。次又詳辨其書法點畫。有一不如所戒者，必更張之。人初厭苦，久乃歡然。以服至今，言爲師無愧者，多稱焉。少工舉子業，年五十五始舉於鄉。三試禮部，不第。

常吉士，歲貢生，兄弟四人，而養父則獨肩之。父病，便閉，醫者云：口吸可愈。吉士如法尋瘡，父歿，數日

不食。母諭之，始食粥。及葬，卽欲廬墓所。或曰：有母在，且多疾，何以供晨昏？乃止。每遇風雨，必詣墓環繞哭泣。及母故，手結草廬塚旁，着衰衣而寢，不施衾褥。子姪欲伴宿，亦不許。日負土十二簣，積三年，巨塚巍然。過者皆指而目，曰：此常孝子負土所成墳也。乾隆二年，縣上其事。旨：建坊表厥門閭。劉氏青蓮，字華嶽，余同懷。五年長芝而補博士員。反後芝四載，方應童子府試。太康張進士象宅，太守禮聘衡文，得其卷，嘆賞累日，謂其文格當在隆

萬以上。遂拔置第一。且曰。異日鄉會試。應復不作。第二人。乃年六十七。僅以歲序成貢生。士論惜之。性簡充野。逸於富貴。未嘗汲汲。亦不戚戚。賤貧。遇高官顯位。則藐之。戴破帽衣敝衣。不以爲恥。忿戾傲慢。矜詡不一。見詞色。是以遇人。無踴踴態。亦不能爲熙熙。合信。中而直行。誠以將之。巧詐僞飾。及磨稜圓熟之徒。則每疾之。如仇。聲色狗馬。玩好利慾。世人耽溺。迷惑不返者。泊然無所營。而獨嗜書。卽獲麥場頭。猶手持一卷。高誦老樹下。資魯然刻

勵於書義訓。未貫者。搜訪百至。必通乃已。爲文多自得之胸懷。不肯盜襲前人一語。少學古文辭。晚乃爲詩。抒情遣興而已。其警策處。固劍南之遺響也。暮年妍精經傳。其學禮闕疑一書。頗不以陳澔注爲然。多以儒先之說折衷之。先大夫撫育不滿十齡。四孤侄克有立。華嶽事羣從。惟謹。課田理生事。門戶酬答。先羣從。蔬食布衣。不得與羣從比。未嘗較異同。喜而役之。怒而呵叱於廣衆。亦無幾微不平意。而愛芝也。爲尤甚。視芝子女。過已出。芝婦

不解大體。每容納不芥蒂。以故數十年。家政無參差。而兄弟怡怡。以老食而甘。必呼共嘗。寢而興。必訊夜如何。或對案事。點勘。或造文僻室。必數起就語。及篇成。又必急持相嘆賞。朝夕依戀。如形與影。當雍正丁未歲。余以館選留都下。華嶽踏冰二千。里省余也。別離才一載。入門相向哭。失聲有詩云。今朝不盡團圞樂。那有來生未了因。余遂請假同歸。華嶽嘗於江村闢一室。取歐公六一之意。謂老於五物之間。華嶽芳草兩翁。因以七一名軒。豈

傲歐公以不如哉。蓋欲朝夕偃息。此軒中使目日有所觸。勉竭堯箴之義。以承天眷耳。其期待芝也。意良殷。一時館閣諸公。多爲歌詩。而嘉定張鵬冲儀封周思廉。又繪爲圖。哀然成冊。署曰二劉江村七一軒圖。藝林爭傳之。華嶽今年七十。芝亦六十有五。兩翁耄矣。或可不至參商天。旣眷其生而使。之有耦。必不忍先其死。而使之成獨。縱芝壽非長。年亦應憐其衰。俾得稍延殘齡。與兄同日而斃。結伴九泉。恍如生時。雖死亦復何憾也。志不錄生存。

恐我死。千百世後。無人知華嶽愛弟之篤。有如此者。故畧爲撰述以附焉。所著七一軒豪八卷。藕船題跋二卷。學禮闕疑八卷。古今孝友傳十五卷。一鄉雅言一卷。行世。

古汜城志卷六終



